

# *KKAUNTIDAUNI*

 Nda lumba, Mukwesu Neville. I Mwami aku longezye.

Lyoonse cibaanga mu kubinda. Nda njila buyo mukati. Mukwesu Moore wakali ndi jisi aa fooni kutandila kuboola kunselelo okuya ku jubbili yabo ya Pentekoste makumi osanwe. Nda kali kusola kubamba mazuba a Bantu Basimakwebo ku busena bumbi, elyo Nda kati...kayasya fooni, kati, "Komvwa eyo 'Kosyoma Buyo'? Yebo ulizi eco nco caamba." Elyo Nda kamusandula kuli Billy, a kutandwa kuzwa ku mulyango. Aboobo Nse—Nse zyi nzila mbo bay a kuba kusule okuya, pele cili... Nda botelwa ncobeni kuunka kumusanza mu Louisiana, nekuba, ku bantu abo, balo ba Musanza babotu bakaindi kunselelo kuya. Pele mpawo Nde elede kubako mu mazuba ngaonya mu—mu Florida, ku muswaangano mupati wa cooko ca Bantu Basimakwebo, alimwi cicibamba kubaanga nkuyuma cindi wa sola kubaswaanganya antomwe mu kaindi buyo kanini mbuli boobo.

<sup>2</sup> Toonse tuli kkomene kuba kokuno cifumo cino, a kuba baumi alimwi—alimwi akati ka baabo bakonzya kwaamba kuti "Ameni." Mbo mbubo. Lino, Nda usa kuti toonse twa syankana omuno. Elyo wa kati bantu bamwi bakasika a kuzwa buyo kutandwa. Pele tuli... Nkubotu buyo nko tukonzya kucita ku i—ku ciindi. Nywebo mulizi. Mula mvwisya, Ndili masimpe. [Mukwesu Branham wakola—Mul.] Mundi jatile.

Sena mula konzya kumvwa kabotu kuzwa muli *eyi* na kuzwa muli *eyi* imwi? *Eyi* imwi awa na? Ncibotu, koileta buyo nkonya okuno kutegwa Ndaba munsi. [Mukwesu Neville waamba, "*Eyi* ilabeleka. *Eyo* ii—*eyo* ni maikki ya kurekkoda."—Mul.] *Eyi*, irekkordi awa. Ncibotu. Ncibotu, munene.

<sup>3</sup> Ee, sena mwabotelwa masiku ainda? Nda... masimpe twa cimvwa, elyo Mwami waka tulongezya. Zintu zinji loko buyo inga zyaambwa kujatikizya Mulumbe kuya, pele Nda kayeeya kuti ndiza inga mwa cilingula, nywebo mulizi, elyo muyo mvwisya, alimwi akati ka mizila, oora ndyo tuponamo. Tuli nkoonya ku ciindi camamanino. Elyo Nda syoma obo. Mubwini, muntu aumwi wa kayeeya ceeco, Nda yeeyela, kuzwida ciindi Jesu nakasyomezya kubweeda. Pele, nywebo mulizi, bumwi bwa mazuba aya Uyo boola, nekuba, mwabona. Aboobo Nse boni buyo cinto cisyeede kucitika, cita kukwempwa kwa Mbungano.

<sup>4</sup> Lino, katutaninga kuswena ku Mulumbe Ngwe yanda cifumo cino, aa ciijo ca *Kkauntidauni*. Elyo lino tu... alimwi sunumasiku, amuyeeye kuswaangana kwa sunumasiku, ngwa *Kupona Mu Busyu Bwakwe*. Mwabona? Elyo tula sola kubinda, kufwambaana, kutegwa mukonzye kuzwa kujokela ku ncito

alubo ya mu Muvulo kuseeni. Elyo tuli lumbide kuli ndinywe nyoonse. Ta ndizi buyo eco nco tunga twacita, eco ncenga Nda cita kakutakwe nywebo. Nse buyo—Nse kakonzya buyo kuzwidilila kakutakwe ndinywe.

<sup>5</sup> Elyo Ndi yanda kupa kulumba kusalesale kuli oyo Mucizi Williams, Nda yeeyela kuti akwalo Nse muzi mwanakazi. Cindi ni Nda kabuka cifumo cino, ma, Mukwesu Charlie Cox wakaliko, alimwi—alimwi i—i matantilo amulyango akazwide zyakulya, bulilu bwa mutugabba azimwi. Obo mwanakazi oyo mucete mbwa kacizwida nkasaalo mu mainza, kubikka zintu mutugabba, madeede a zintu zyakulya. Lino, eco caamba kunji kuli ndime. Elyo Mucizi Williams, Nda syoma ba kasiya Bbaibbele lyako kuti likombelwe, kati kokomba kutegwa Leza uyo... Nda komba cifumo cino mu kaanda cindi Ne kali kulangalanga Mulumbe, kuti Leza inga wabweza zilimo mu Bbaibbele eelyo a kuzibikka mu moyo wako. Elyo Nda komba kuti Leza uyo mulongezya. Ni Nda konzya kubbadelela zeezyo, mucizi, Ndi lizyi masimpe wakainda mu kuzwa nkasaalo maningi kujana eco. Elyo Nda kulumba loko! Nku syoonto loko kwaamba, pele andi mupe Lugwalo awo mpo tuzi, mbuli mbo Nda kaamba masiku ainda, ta cika kakilwi. Jesu wakati, "Muciimo mbuli mbo mucitila baniini..." oyo inga waba ndime, mwabona, "...basyoonto aba Bangu, mwa kacitila Ndime." Elyo akube kuti cibweede kuli ndinywe nzila buyo mbo cinga caba ikuti na inga mwa cipa nkoonya kuya mu maanza Aakwe. Leza amu longezye nkambo ka ceeco.

<sup>6</sup> Mwalumbwa nyoonse. Cindi mwanooli okuno, Ndi jana kuti kuli i—i kwakkumi a zintu nzo mupa, ako nkaanzambwene kanu muli ndiswe, kuti ziyo unkila Bwami bwa Leza. Lino, tu jisi mulimo kuli ceeco, mwabona, a kweelela ku cipeda kaambo. Aboobo tu yanda kulangilila zintu zyoonse nzo tucita, ku kubamba bweende boonse kulondoka buyo mbuli mbo tukonzya, nzila Mwami wesi mbwa konzya ku ciyanda, nkaambo ta tuzyi ciindi Neaya kutwiita kuwwila elyo mpawo kupa kaambo ka zintuzyonse ziboola nzila yesu.

<sup>7</sup> Ako nke kaambo Ndi yeeya kuti Paulo, masiku ainda, waka jisi bbaki lyomwe biyo. Mwabona? Na kakonzya kuba amanji, pele ta kacita. Ndi bbaki lyomwe buyo ndya kali kukonzya kubelesya ku ciindi, aboobo wa kabamab buyo limwi. Nse yeeyi kuti wa kabikkila maanu ku buvubi bwa inyika. Ta ndi yeeyi kuti wa kabikkila maanu ku mpuwo, nywebo mulizi eco nce Nda amba, bantubonse mu bweende bwa bukombi bwabo bupati mbuli mbo kubede sunu. Elyo bantu banji loko...

<sup>8</sup> Ndi lizi eci cili muku teping'wa. Elyo cindi Nda amba zintu awa, Nda mvwisya kuti Nse kanani biyo ku mbunga eyi, pele koonse ku inyika. Elyo Ndi... Nkaambo aya mateepu ainka ku masi, manji manji, alimwi bala tola akuba kulaale

mu mikowa yamu Africa, kulaale omuya, a kukkanala alya, elyo mukutausi ulai bweza akupandulula ayo mateepu ku bantu, kulaale oko nkoba tazyi nokuba ku janza lya lulyo a lumwensi. Mwabona? Kulaale mu Australia akwinda omuya oko bantu nkoba—nkoba bede, tabazyi nokuba . . . I cintu luzutu ncobalya ni . . . Nzila mbo bajana shuga nkubweza cipapa akusya cikata ca tuuka akulumwa kusule lyato mbuli obo. Oyo nje nzila mbo bapona kukujana shuga lyabo. Alimwi taba jisi zyakusama, taba jisi zintu. Ba bweza kangaruu wakaindi aku muwaala mu mulilo, mukati ka nguwe, zyamukati azintuzyonse, a kuzyuumpa aniini elyo mpawo kuzilya. Elo nce ncico, cila yoosya. Elyo amuyeeeye, mateepu aya alalizigwa alimwi okuya. I Mulumbe ngo swiilila awa ulalizigwa kusule okuya, kwiinda ku myaanda ya mamissionari bala bweza mateepu aya a kwaalizya kaindi omuya, aku Li pandulula ku bantu. Aboobo, nywebo mwabona, cindi Nda kusika okuya aa Buzuba bwa Lubeta, mula bona eco ciyo yaama ku makuko angu? Ino kuti Nda sweesya muntuumwi? Mwabona? Mpawo we. Amuyeeeye buyo umwi wa bantu abo, ikuti na Nda basweesya ku cintu cita lizi.

<sup>9</sup> Nkikaako Ndi jisi awa bakwesu bangu mu tubunga otu. Elyo bunji bwabo mbantu babotu, bunji bwabo, Ndili kkomene kuli ceeeo. Pele bamwi babo baba boobo . . . alimwi kanjikanji basololi bala boola ku busena obo mbo beeleder kuswaanganya moonya mukati a kucibamba mbuli, oh, mbuli makani aatunzenyu. Ba kalizya tunzenyu muli ngawo. Elyo, muli ceeeo, bala zwa ku Ijwi lya Leza.

<sup>10</sup> Elyo Nde elede kandicili aa Ijwi. Nde—Nde elede kukkanala kuya. Elyo ceelede kusika kuli eci. Elyo Nde—Nde—Nde elede kweenda a ncico, kwa mana. Aboobo, alimwi tuli . . . Nywebo mulizi, twa kali kukaimba kaimbo kaniini, “Tuya bwiimpauka kuselemuka kalonga ka ciindi, ta tujisi ciindi cilamfu cakukkala.” Mwa akamvwa. “I makumbi aguwo pati amudima ayo sanduka kuba buzuba bumwekesya.” Mbo mbubo. “Toonse atu bweze camba, nkambo ta tusiidwe tolikke.” Mbo mbubo. “I Bwaato bwabuumi ula boola kuzo bungika Ngale ku Muunzi.” Eco nce ciindi mpo Ndi langila mpawo kuba a bbaki lita kazakali, nde ndilyo, limwi Litamani. Elyo Nde elede kuba bwini kuli Leza, kutali kubikkila maanu ku zintu awa aa nyika, kusikila tu kasike kuya. Elyo mpwo tuyoo . . . nge ngawo ayo kkalilila.

<sup>11</sup> Aboobo Mebo, muli yeeyi makumi otatwe . . . kuyabuya myaka ili makumi otatwe aibili ya mulimo, Nda sola kukkanala cakusyomeka ku Ijwi. Nse zyi cintu cimwi Nce kasola kucinca, nkaambo Nda kabala buyo kuzwa mu Bbaibbele, kaamba eco buyo Bbaibbele ncolya kaamba, a kucilekela kuunka mbuli boobo. Elyo aboobo Nsye elede kujosya na kubambulula, nkaambo Nda ka caamba munzila Bbaibbele mboli caamba. Elyo, Nda kajana kuti, ikuti na Leza waamba cintu cili

coonse, nkokuti tweede kuunka a Ijwi eelyo kutegwa Li zulizigwe. Twa kabona eco, mbuli mbo Nda kamwaambila masiku ainda, zya cilengaano caino buyo, mwabona, kuti ci... Nda keelede kuba kokuya, a kucenjezya kubako, a kundaambila myeezi ili cisambomwe kaitana kuba aa kasena ako, a kwiima awo a kwaamba, "Koya kunselelo okuya" (ziindi zyotatwe) "ambabo." Elyo Nda kazumanana kweenda a baalumi bambi. Elyo cilengaano cakainda moonya mbubonya, cibeele ca Leza, alimwi Nda kasyala nkeimvwi. Aboobo tu yanda kuyeeya, mweelede kukkanla aa Ijwi, ku kkala buyo ncobeni a Ijwi. Alimwi oko Ijwi nkoli sololela, koinka ncobeni a Ijwi, nkabela Liyo kuzwidilizya kabotu, Ndili masimpe.

<sup>12</sup> Lino, Ndi lizi wakali omuno kuzwa eiti okuloko, alimwi antela ngu teeni okuloko ndyoonya lino. Mbo cibede. Aboobo atu kombe lino ku Mwami wesu. Sena kuli nkumbizyo zili zyoonse zisalesale? Nda bona tutambala tunji tubikkidwe awa. Amunyamune maanza anu ku nkumbizyo. Leza amu longezye. Lino Wa... Nda ka Mu zyiba kwaciindi cilamfu ku kuziba ceeci, kuti Ula libona janza lyonse alimwi uluuzyi moyo wonse, alimwi cintu luzutu cisyeede kucita nku Mu lomba buyo. Elyo ula cisyoma, nkabela cila citika. Lino, ula syoma mbuli mbo tukomba.

<sup>13</sup> Taata Wakujulu, twa swena lino ku Cuuno cabwami cipati canguzu ica Leza, mbuli zilenge zifwika mu mubili wa kunyama, nekubaboo majwi esu kakanana majwi ayo aboola mu Cuuno eco cipati abusena bumwi mu kweeleka kumbi awo Leza mpa kkede. Nkaambo, Jesu wakati, "Amulombe Taata cili coonse mu Zina Lyangu, Ndiyo cicita." Elyo Wa ka tulomba kuta zumbauzya, pele, cindi twa komba, ku syoma kuti twa tambula eco nco twa lomba, alimwi ciyo pegwa kuli ndiswe. Kati, "Akwalo inga waamba ku dundu eli kuti, 'Ko zyuka,' a kuta zumbauzya mu moyo wako, pele kusyoma kuti eco nco waamba ciyo citika, alimwi inga waba aceeco ncowaamba." Taata, tu lizi kuti obo mbwini loko. Tula bulangilila buzuba a buzuba, alimwi kunyina butongo mu Ijwi Lyako. Nkaambo kakuti ta tukonzyi kuba ambaakani, ziindizimwi lusyomo lwesu talu tanti atala alya, tula nyonganya a kuzumbauzya. Pele, cifumo cino, tu sola kuboola, Mwami, a bulangizi bupya, kujatilila ku lukole lwa Kristo a cisymezyo Cakwe. Elyo tu boola mu Busyu bwa Leza kwiinda mu Zina lya Jesu.

<sup>14</sup> Mwami, Ndili masimpe kuti Uli zyi nkumbizyo zyoonse zya kayubununwa kunsi lya janza cifumo cino lya tambikwa. Wangu awalo waka busigwa, alimwi ula zumanana kuli Nduwe, Mwami, nkaambo Ndili muttu ubulide. Elyo Nda komba kuti Uyo pa nkumbizyo yoonse. Langa ali mbabo, Mwami, a kwiingula nkumbizyo zyesu, kuzwa ku mwana muniini maningi kusika ku mupati maningi, kuzwa ku nkumbizyo niini kusika ku nkumbizyo mpati maningi. Mpawo, Taata, kobaingula, umwi

aumwi. Nda cilomba mu Zina lya Jesu. Mpawo koyeeya lyangu, Mwami.

<sup>15</sup> Elyo Nda komba a ku Kulumba nkambo ka kutupa kupumuna kubotu mu mibili yesu, a ku luzibo ndo tujisi lwa Ijwi Lyako, a kumvwisya nko tu jisi kwa Muuya, a kuzumanana kupaila kuti Uyo tupa kumvwisya kupati maningi kutegwa tutabi mubuyo, bantu balikankaizya kuli nkuko, pele bantu babombe, kutegwa Muuya Uusalala uka konzye ku tubelesya kuzulizya kwa Ijwi lya Leza, a kutu bikka mibusena awo mpo tu yandikana kuba ku oora eli. Nkambo tweede kuba ku busena bweelede bwa ncico kucitika. Elyo tu yanda kuba, Mwami. Ikuti na mukaintu waang'anda kunze lya tafule, ikuti na ngwa ii—ii mwaalumi ubeleka mu faktori ujisi kulicisa mu janza lyakwe, a bumboni, ikuti na nea mukutausi mu cikambaukilo, na daikona na musyomesi, na mwana ku cikolo, mukubusyi mu kubandika ku kkilasi, kufumbwa mbo cibede, Mwami, atube kookuya a ciindi ceelede. Nkambo tu lizi kuti Wa kacisyomezya, nkabelia ciyo citika nkaambo Wa kaamba boobo, alimwi, baa, lwalo ndusyomo lwesu luyakidwe okuya.

<sup>16</sup> Lino, Mwami, tu limvwa kuti ta tujisi kunji. I ciindi cili mukunjila. Inga twamvwa sikunku kuzwa ku mwaakwe waanze, mbuli mbo weenda mukati. Tu lizi kuti lubeta a bukali bwa Leza buli libambilide kuwa. Inga twamvwa nguzu zya ncico kale. Elyo twa komba, Mwami, kuti Uyo tugwasya.

<sup>17</sup> Elyo eno ndigwasye, Mwami, a Mulumbe oyu muniini cifumo cino, utandila maminiti ali makumi otatwe, uitegwa *Kkauntidauni*. Kotu gwasya, Mwami, kumvwisya mpoonya awo mpo tubede.

<sup>18</sup> Elyo kotu salazyia lino, Mwami, gwisyia zibi zyesu a nsotoko. Elyo akube kuti kutabi muntu omwe okuno cifumo cino, usweekede, akube kuti bantu boonse balibamble, babe mu mubalo oyo mupati cindi twa swaangana ku lubazu lumbi. Cindi kuzulwa nokuyo itwa, akube kuti Ndi mvwe zina lyamana zina, "liliko." Eco ncencico nco tu yandaula, Mwami. Elyo mudaala uyooba mukubusyi okuya kwalyonse, kucinewa mu kaindi kaniini ka ciindi, batafwiki, bayoima mu bukozyanye Bwakwe, zuba a nyenyezi zya kumweka koonsie, mbuli Daniele mbwa kaamba, "Abo baka sandula banji ku bululami bayo mweka mbuli nyenyezi kwalyonse." Pele tu mvwa eco Nco kaamba ku musinsimi, "Koya mu lweendo lwako, Daniele, nkambo uyo lyookezya muli zyako zinji, pele mu buzuba obo uyo imikila."

<sup>19</sup> O Leza, atu bale kweelela kwiinda mu Bulowa bwa Jesu, taakwe bweelelo bwesu bwini mbo tu taminina, pele kwiinda ku zyeelelo Zyakwe akube kuti tube beeela kwiima ku buzuba obo mbuli mbo tu lyambilila bulubizi bwesu a kuyanda kwiima mu bululami Bwakwe, a musinsimi mupati Danieli a baabo bonse

baya kwiimikila cindi zilumbo zyano pegwa. Kusikila eelyo, Mwami, kotubamba kuba zibelesyo mu janza Lyako. Bamba matwi esu cifumo cino kumvwa Ijwi. Bamba milomo yangu kuba zibelesyo zya ku Li kanana. Nkambo twa cilomba mu Žina lyu Jesu, alimwi akube kuti kumvwisya kwesu kumvwisye luyando lwa Leza. Ameni.

<sup>20</sup> Nciyumu loko kutalika. Ci boneka mbuli kuti kuli kunji loko nkokonzya kwaamba a—a kuyanda kwaamba, alimwi kuboneka kuti kuli ciindi ciniini boobo ku caamba. Ndiza Nke—Nke taninga kwiinka. Nda kaamba busiku bwainda, inga twaba a coolwe caku—caku tobezya Mabbuku a Bbaibbele ndiza, eci kuwa na mapeyo, kakutanaba kuzwa. Kuunka, Ndi yanda kuya ku masi ambi, na Mwami wayanda, kwainda buyo Krisimasi ciindi cimwi.

<sup>21</sup> Lino Ndi yanda kuti muvunune cifumo cino ku kubala, ku ba Hebrayo capita 11. Elyo lino amuswiilile kabotu loko ku kubala. Ndi yanda ku—ku kwaambilisisya aa kampango ka 3.

*Lino lusyomo ncintu ca zintu ezyo zilangilwa, ncizibyo  
ca zintu zitabonwi.*

*Nkambo kuli ndulo basikale baka jana mpuwo mbotu.*

*Kwiinda mu lusyomo tula mwisyia kuti manyika aka  
lengwa ku Ijwi lyu Leza, cakuti zintu zibonwa tii zya  
kalengwa ku zintu ziboneka.*

<sup>22</sup> Lino, eco cibaanga ncibalo cigambya ku cibalo eco Nce—Nce yanda kubelesya. Zintu tii zyakalengwa kuzintu ziboneka. Lino Ndi yanda kubelesya eci ciiyo cifumo cino, *Kkauntidauni*, nkaambo Ndi yanda kubamba ii—ii kukozyanya munzila ya businsimi. Masiku ainda Nda kali kuyanda kuyiisa anini aa Lugwalo; cifumo cino Mulumbe wa businsimi; alimwi sunumasiku Mulumbe wavangeli.

<sup>23</sup> Lino, zintu zya kalengwa kuzintu zitaboneki. Lino, Nda kaiya kwiinda mu myaka eyi yoonse kuti zintu zyoonse ezyo zili kunyama zitondezya zya zintu zya kumuuya, zintuzyonse zili mu bulenge. Elyo lino amuyeeeye buyo, kuti cindi mwabona cintu cili coonse kunyama, cila tondezya cintu ca kumuuya. Mwabona? Zintu zyoonse zili pangidwe a zintu ezyo zitaboneki. Mwabona, cakunyama mpawo citondezya ca kumuuya.

<sup>24</sup> Lino, mbuli Mbwe kali kubala mazuba masyoonto ainda, elyo Nda syoma Nda ka caamba masiku ainda, asyoonto, kuti Nda kali kubala awo...na kumvwa aa redio, kuboola kuzwa ku Canada, oko dokotela oyo okuno mu United States wa—wa kaamba kaambo kuti “muntu wakali myaka ili mamilioni ali kkumi ayone ya kukomena kusumpuka bucebuce.” Ba kafumbulula cifuwa omuya mu Italy, mu 1800, kumwi mbuli muma 1800, kuti cifuwa eci caka yeeyelwa kuba cifuwa cabuntu eco cakali...antela ku i...Kucindi niba kacicita, kwaamba

nzila mbo cakatola ciindi cakukkala, elyo oyu dokotela mbuli mudaala alimwi wa kabikka buumi bwakwe boonse mu kulangalanga cifuwa eci. Elyo wa kati, “Eci cifuwa ncifuwa ca muntu oyo myaka ili mamilioni ali kkumi ayone yakukomena.”

<sup>25</sup> Lino, obo mbocili cabufuba! Obo muntu mbwa waala buumi bwakwe nkambo ka cintu cili coonse, kusola kususya Ijwi lya Leza, alimwi ta jisi cintu cita buyo ii—ii magolelo atamanu kuzwa kuli ncico. Elyo uli onse ulizyi na wa zikka cifuwa mu bulongo, mu myaka ili makumi obilo eco cifuwa cilasanduka. Mu myaka ili myaanda eco cifuwa cino tandila kumana, kuba buyo tubeela twa ncico, alimwi takukwe makani aciimo monga wacibikka. Mwabona? Elyo mpawo mu myaka ili cuulu ino eci cifuwa inga caba buti, myaka ya myaanda ili kkumi? Oh, ino inga caba ziindi zili kkumi ezyo, ziyooba milioni yomwe? Mpawo ziindi zili kkumi azyone mamilioni. Oh, ma! Cili buyo... Tacili ca maanu akwalo kuyeyea cintu cili booboo. Cifuwa inga tii cakkala kwa myaka ili mamilioni ali footini kunsi lya ciimo cimwi. Uli onse ulizyi obo. Kwayanda wa kabweza cintucimwi cakali kuboneka mbuli cifuwa na cintucimwi. Elyo mpawo mbobuti mbo bakali kukonzya kuziba kuti yakali myaka ili mamilioni ali kkumi ayone? Mwabona? Nekubaboobo, Leza wakapanga muntu aa nyika myaka ili zyuulu zili cisambomwe yakainda, nkabela eco cila cibamba.

<sup>26</sup> Umwi wakali kucibandika a ndime ciindi cimwi cainda, ali umwi wa miswaangano yangu. Nda kali kukanana kuya busumpuka bucebuce kwa muntu, elyo kati wa kali buyo myaka iili zyuulu zili cisambomwe yakukomena. Elyo oyu mwaalumi wakati, “Ee, Mukwesu Branham, inga twa tondezya kuti nyika ili mamilioni a myaka yakukomena. Aboobo cintu eco ncoambaula, uli lubide koonse.”

Nda kati, “Sena tosyomi Bbaibbele?”

Wa kati, “Nda syoma mwaalumi oyo wakalemba Bbaibbele.”

<sup>27</sup> Elyo Nda kati, “Neobeni janza lya muntu lyaka panga magwalo, pele Muuya Uusalala wakali kunze lya janza. Mwabona, kabamba lugwalo, nkaambo Bbaibbele lya kaamba boobo.”

<sup>28</sup> Elyo wa kati, “Ee, kuli—okuya, we elede kuzumina kuti bali lubide aa inyika.”

Nda kati, “I Bbaibbele tali lubizyi pe, tali lubizyi pe.”

<sup>29</sup> Wa kati, “Ee, ikuti na nyika,” kati, “yakali, inga mwabona malundu obo mbwa katontwa kuzwa ku volukkano.”

Nda kati, “Pele yebo buyo...”

Wa kati, “Elyo Leza wakapanga inyika eyo mu mazuba ali cisambomwe.”

<sup>30</sup> Nda kati, "Lino, Bbaibbele tiilya kaamba ceeco. Yebo waka ciyeeya buyo kacaamba." Nda kati, "Atu joke eno akubamba lukazyo lwanu. I cipati 1 ca Matalikilo, kati, 'Ku matalikilo Leza wakalenga majulu a nyika.' Kwagola! Kulamfu buti Mbwa kali kucicita, Ta ndizi. Ta ka twaambila. Pele, 'Ku matalikilo Leza wakalenga majulu a nyika.' Kwagola! Mpawo, 'Elyo inyika yakali... ciimo kuzwa.'" Eco nce cindi Leza nakatalika ku cibelesya. Mwabona? Aboobo ba nyonganya buyo boongo bwabo cakuta gwasya. Mwabona? Mwabona?

<sup>31</sup> Leza wakalenga inyika. Kwayanda wakali kwiibamba kwa myaka ya myaanda ya matrillioni; Ta ndizyi ciindi Na kacita, pele Wa kai bamba. Elyo Ta kaamba kuti nciindi cilamfu buti Mbwa kabede, alimwi tauli mulimo wesi ku ciindi mbo cakabede. Wa kaamba buyo kuti, "Ku matalikilo Leza wakalenga majulu a nyika." Kwagola! Eco cila cibamba. Nkukoonse kwa ncico. Kulamfu buti Mbwa kali kucicita, eco tacili... Pele mpawo bulenge bwaka talika kusonsa lino mu ciindi cimbi, cindi Na katalika.

<sup>32</sup> Elyo Nda syoma, kuti omuya, kuti zintuzyonse aa nyika zitondezya Julu. Nda syoma eco, nkaambo kakuti wabona zintuzyonse zipengaanina buumi nkaambo kakuti kuli buumi obo bwaka tondezegwa kuzwa. Elyo Nda syoma kuti cindi Leza nakalenga muntu, Wa katalika kutondezya zintu ziniini mbuli buumi bwa cinyama, elyo mpawo cintu citobela Nca kalenga cakali cintucimwi candeeene. Eyo nje nzila ncobeni Bbaibbele mbo lyaamba kuti Wa kacicita. Wa kapanga masamu lutaanzi a buumi bwa masamu, nkabela Wa kapanga muntu. Elyo mpawo cintu cikkalilila cakasola kuzwa ku nyika mu ciwa ca bulenge wakali muntu, taakwe cilaatala maningi cakasola kuboola. Ku kaambo kanzi? Kwa kali kutondezegwa kulondokede kuli ciinda maningi ku Julu, calo, Leza walo Muntu. Mwabona? Leza walo Muntu, aboobo nkikaako cila citondezya. Elyo cindi Leza nakaseluka ansi akukkala akati kesu, Wa kali Muntu. Mwabona? Ii Muntu, aboobo citondezya kuti bulondosi bwa kuya busumpuka bucebuce bwakali bwa Leza, uuli Muntu.

<sup>33</sup> Elyo mpawo wa bweza musamu, (ula bweza bwizu azimwi zimbi), bweza musamu, utondezya Musamu wa Buumi oyo uuli ku Julu. Zyoonse zintu ezi zipengaanina bulondosi. Elyo zintuzyonse kunyama, mbuli ba Hebrayo mbo baamba awa, zya kabambwa aa zintu ezyo zitaboneki. Majwi amwi, alagambyakwiinda. Elyo cigambyociinda cila tondezya cabuntunsi. Mwabona? Lino, mpawo cakunyama cakali Citamani, na ceelede kuba citeeli antomwe a cigambyociinda, pele cibi cakasandula bulenge. Aboobo, alimwi ikuti na eco cili boobo, eco nce Ndi syoma kuti mbocibede, mpawo zintuzyonse zicitika aa nyika nzikozyanyo zya zintu zya kumuuya zi citika. Mwabona? Ceelede kutondezya cintucimwi, kuzwidilila kwa muntu.

<sup>34</sup> Lino, tu jana kuti, mbuli mubili wakunyama, ngooyu mubili wakunyama, elyo mubili waka bambwa kulizyala wini, abo bakali bana. Elyo lino mubili wakunyama, mu kuzyalwa kwakunyama kwa muvwanda, tu jana kuti cintu citaanzi cizwa maanzi, mpawo bulowa, elyo mpawo buumi. Tu jana kuti mu mubili wa kumuuya iwa Kristo, cintu citaanzi maanzi, a Bulowa, a Buumi; kululamikwa, kusalazigwa, lubapatizyo lwa Muuya Uusalala. Mwabona obo mbo citondezya, zintu zyoonse zyakunyama zitondezya zintu zya kumuuya. I kuzyalwa kwakunyama.

<sup>35</sup> Tula bweza, kupa mukozyanyo, lukwatano lwa lukamantano. Tu jana kuti, lukwatano; tu jana ciindi cakuzibana, a kuzuminana, elyo mpawo lukwatano. Eco ceelede ku cibamba kwa ciindi coonse. Lino, eco nce cintu nciconya mbocibede kuli Kristo a Mbungano. Mwabona? Ciindi cakuzibana, Leza kaita ku myoyo yesu; twa lipa; pobwe lya lukwatano, alimwi Nabwiinga ubweza Zina lya Sibwiinga. Mwabona? Mwabona? Nceeco we, eco cibamba Nabwiinga. Lino, lyoonse nabwiinga ubweza zina lya sibwiinga.

<sup>36</sup> Kuli zintu zinji loko nzo tukonzya kukanana awa. Ndi jisi bulembu bulembedwe bu andi tolela maora obile kumanizya, kutandila, a Magwalo ku kuvviila eci, mbuli kuti na muyanda bamwi babo awa kuciiminina. Mbuli Johane Mutaanzi 5:7, tondezya cabulenge a kuzyalwa kwa kumuuya, azimwi zimbi, “maanzi, Bulowa, a Muuya.” Elyo zyotatwe ku Julu, “Taata, Mwana, a Muuya Uusalala,” ezi zyotatwe zili comwe. Kuli zyotatwe zizuminana mu nyika, tazili comwe, pele zila zuminana muli comwe, mu nyika, ayo “maanzi, Bulowa, a Muuya.” Mwabona, “maanzi, Bulowa, a Muuya,” mbuli kuzyalwa kwa kunyama mbo ku cikozyanisya.

<sup>37</sup> Aboobo ikuti na muntu wakkala aa muyeeyo wa “kululamikwa buyo nku koonse nkoelede kuba ako,” uli lubide, lubide. We elede kulubila. Elyo mpawo ikuti na mbungano eyo iisyoma mbuli bunji bwa ba Pentekoste, kuti Muuya Uusalala nce ncico, “kwa mana, koempwa buyo akutambula Muuya Uusalala,” eco cicilubide, nkaambo weelede kujana kusalazigwa omuya ku kucisalazyza Muuya Uusalala kautana njila. Ikuti na tociti, uyo zwa mu Bulowa. Mwabona? Elyo Kuzyalwa kupya, mbuli bantu mbo baamba kuti lubbizyo lwa Muuya Uusalala Nkuzyalwa kupya. Lino, oko kuli lubide. I lubapatizyo lwa Muuya Uusalala lulindene kuzwa ku Kuzyalwa kupya. I Kuzyalwa kupya ndeelyo cindi wazyalwa alubo. Pele Muuya Uusalala ndendilyo nguzu zyaboola mu Kuzyalwa oko ku mulimo. Oko nkunkuko. Mwabona? I Muuya Uusalala ngu... kabbizigwa mu Muuya Uusalala.

<sup>38</sup> I Kuzyalwa kupya, uli jisi Kuzyalwa kupya kwinda mukuba akusyoma Mwami Jesu Kristo. Mwabona? Kwiinda mukuba a

lusyomo aku Mu tambula mbuli Mufutuli wako, oko Nkuzyalwa, mwabona, nkaambo wakazwa ku lufu kuya ku Buumi. Lino, ikuti na muyanda kuvununa eco, amubweze Musalali Johane 5:24, "Oyo uumvwa Majwi Angu a kusyoma ali Nguwe waka Ndi tuma, uli jisi Buumi buteeli." Mwabona, uli jisi Buumi nkaambo ula syoma. Alimwi eyo nje nkamu njionya yakaunka ku Pentekoste kuya kubbizigwa a Muuya Uusalala. Nconzyo.

<sup>39</sup> Muuya Uusalala ni nguzu zya mulimo. Aboobo cindi waambaula kuti weelede kuzyalululwa, akubikka eco ku Muuya Uusalala, bunji bwa ba Methodisti abamwi bambi bali lubide awo. Ta cikonzyi. Ta cikeendelani nconzyo mu Lugwalo awa. Yebo ula jana zintu mu mabali. Ce elede kucibweza munzila ya Lugwalo mbo cibikkidwe awa. Mwabona? Elyo Muuya Uusalala ngu i . . . "Muyo tambula Kuzyalwa kupya kwamana oku"? Inzi? Peepe. "Muyo tambula nguzu," Incito 1:8, "kwakumana oyu Muuya Uusalala kuboola ali ndinywe." Mwabona? Elyo ba kasyoma kale ku Buumi Butamani, a zimwi zimbi, pele bakacita kuba a Muuya Uusalala wa nguzu. "Mu yooba bakamboni kuli Ndime Muuya Uusalala wakumana kuboola ali ndinywe," nkaambo Muuya Uusalala mbumboni bwa bubuke, kutondezya kuti waba mupati muli Kristo.

<sup>40</sup> Lino, cakunyama. Zyonse zintu zyakumuuya, koonse kucitika a akumwi kula njila, na kukozyanca ku cigambyociinda, na i—i cakunyama ncikozyanca ca cigambyociindi.

<sup>41</sup> Lino, Nda kaunkide ku Beebebe a Inyika cindi ni twakali munsi ncobeni kuli ngawo okuya mu Spokane, elyo Nda kayeeya kuti inga Nda tola mukwasyi.

<sup>42</sup> Nkaambo Nda kali biyo ku Meebebe a Inyika omwe mu United States, alimwi nce ciindi nicakali mu Chicago, myaka yakainda, Hope a Ndime twa kaunka kutala. Elyo tii twaka kkala okuya cita buyo buzuba bomwe, basikubba mu nkomo, a zintuzyonse. Waa kajisi pini eyo mweenima nja kamupa, elyo Nda kali kweenda kumbali lyakwe, muntuumwe wakabba ka pini. Buyo . . . cakali cikali ciyoosya loko. Elyo aboobo Nda . . . Twa kakkala buzuba bomwi a kujoka.

<sup>43</sup> Pele Meebebe a Inyika, Nda katolede mukwasyi akuunka okuya. Akali buyo Beebebe aku Louisville nkoonya okuno. Mwa kaibona Space Needle njo baambaula, tii cakali cintu cimbi pele kusika okuno ku Elsby Buyak—na Brown Building na kumwi, akutanta kutandila kuuluka kuli eiti na teeni a cikwepe a kujoka ansi. Cakali ceeco. Elyo Ndi yeeya kuti General Electric yakali imwi ya kajisi eco okuya. Pele kwakali cintu comwe cakali cibotu kapati. Lino, German yaka jisi kutondezya kwayo, Russia a onse masi ambi akali kujisi, nkaambo akali Meebebe a Inyika. I German, France, a kutondezya oko kuniini tii bwakali

busena bupati loko kwinda eci cikambaukilo mbo cikonzya kuba mpoonya awa.

<sup>44</sup> Pele banasayaansi baka jisi kuzwidilila kwabo, alimwi cintu cipati ba kali—ba kali kucitila mpawo, kwakali kubelesta kwa tombwe. Elyo ikuti na muntu umwi uufweba misanga yatombwe a kweenda omuya, a kuzwa a kufweba alubo, kuli cintucimwi cilubide ku mizeeo ya muntu. Cindi ni Nda kababona a meso angu eni kabweza musanga wa tombwe a kuubikka mu muncina, a kukwela i—i busi bwa tombwe kuzwa omuya a kubu fulidila mu kapila ka makkemikko, elyo kkulenge lituba lyaka zula buyo ndilyo, a musanga wa tombwe omwe. Elyo mpawo wa kati, “Bantu banji balati,” olu lusumpuko, lupati maningi lwa inyika yoonse ali nguwo, kati, “bantu banji balati, ‘Nse ufwebi mukati.’” Elyo muna sayaansi wakabweza musanga watombwe mwini a kugwalula kuyaka kwanguwo mu mulomo wakwe, kutali ku bufulida kwinda mu mpemo zyakwe, na nekuba baka buleta ansi ku mapunga abo, pele ku bubikka buyo mu mulomo wakwe aku bufulida mu makkemikko ngaonya, kwakanyina kkulenge muli ndilyo. Kati, “Nkokuli nko cakaunka? Mu mulomo wangu. Cindi Ndamaena, ula njila mwida, mubwini.” Wa kati, “Lino . . .”

<sup>45</sup> Mpawo muyeeyo wakayutuka, “Nkaambonzi bamadokotela baamba kuti misanga yatombwe tau nyonganyi?”

<sup>46</sup> Wa kati, “Kufumbwa muntu uyo sambala bupati bwakwe! Dokotela kwamba kaambo mbuli kaako inga waleka ncito, nkaambo makkampani atombwe ayo mupa kunji kwa kuleka ncito.” Ula sambala bupati bwakwe ncobeni, nkaambo ta kakonkezya kucita cintu mbuli ceeco. Pele bala cicita kufumbwa.

<sup>47</sup> Elyo wa kati, “Njeeyi mincina lino. Tuyo citondezya kuli nduwe kwiinda ku kuzwidilila kwa sayaansi.” Elyo ba kajisi Yul Brynner, nywebo mulizi, simisobano ya mu zipekupeku omuya. Kuti, elyo cindi kadomwi kaniini ka nikotini . . . Wa kati, “Lino ba lati ‘tusebyo.’” Wa kati, “I muntu ucita ceeco, utondezya buyo ciimo cakwe cakuyeeya. Nkambo ikuti na tojisi busi buli boonse, to jisi itwe lili lyoonse, nkabela itwe lilapanga busi. Elyo ikuti na ufweba kasebyo ka musanga wa tombwe,” kati, “ciyo tola kutandila zyotatwe na zyone kukkutya eco cimwi ca cimbi, nkaambo citola buyo itwe maningi kukkutya.” Ikuti na tojana busi, takukwe twe. Weeleda kuba a twe kuba a busi. Aboobo nce ncico. Kati, “Busi, ikuti na uyo ufweba, kufwebo omwe uta jisi mpela ali njiyo. Jana . . . Musanga wa tombwe omwe uyo kkutya awo atola yotatwe ya imwi, nkaambo ukwela buyo oko kusyonto kwa twe.”

<sup>48</sup> Nkooze ka busambazi! Nkuti cisi conse cizwide tooze twa busambazi, abusofwi a zintuzyonse zimbi.

<sup>49</sup> Elyo awo mpawo wa kabweza ceeco a kutondezya nzila eyo kabeela komwe kaniini mbo kaka jatwa mu kameneno na mu mapunga. Elyo lutaanzi ila tuba, mpawo isanduka kuba pinki, elyo mpawo kuzwa kuli pinki isanduka kuba pepo. I kabeela—kabeela ka seelo liniini ka kalibonya kukomena *obo* mu cilanzyo, pele, mubwini, wa bweza cilanzyo ca nguzu akwalo kubona seelo. Mpawo ulati, “Cindi yasanduka kuba pepo, ujisi kkulenge.” Wa kati, “Muntu uyo fweba cipakete cimwe ca misanga yatombwe abuzuba ujisi mapeseenti ali seveinte manji aciindi cakufwa ku kkulenge kwinda muntu uta ufwebi.” Elyo ciboneka bufubafuba kubweza ciindi cili boobo.

<sup>50</sup> Lino, elyo mpawo wa kabweza cintu cimbi a kucitondezya, wa kaleta ciwiigi camasusu aatuba. Elyo wa kabweza musanga watombwe akubikka mu muncina, a kuukwela atala lyu musyobo umwi wa cintucimwi mbuli kambuli katuba, a kubweza i—i kapukutyo, a kubweza nikotini wakazwa muli umwi musanga watombwe akuuzila kusule lyu mbeba. Mazuba oonse ali ciloba ba kajisi mbeba imbi kaiyutuka. Elyo bakali kunga baba a imwi aimwi ku ciiyo ca buzuba obo. Elyo wakabikka eyo mbeba mukati kwa mazuba ali ciloba a kwiigusya, kkulenge lyu kalampa *obo* kusule lyu mbeba. Zimwi tazi kaponi akwalo mazuba ali ciloba. I mbeba tii yakakonzya kuputa. Nse kakonzya kulya kwa mazuba obile na otatwe, kulanga ku cintu eco cisesemya loko, kayiimvwi alya kkulenge, alimwi lila selemuka ku maulu ayo a zintu mbuli ezyo, kkulenge pati loko damfu lyu kazimba kutandila cisela ca inchi kusule lyu mbeba, nikotini uzwa ku musanga watombwe omwe. Elyo muyeeya kuti eco caka balesya? Mulombwana mupati kakkede kumbali lyangu okuya, a nkasala kazyenda kuzwa ku busyu bwakwe, kati, “Cibaanga cila boteleyza, embo na?”

Nda kati, “Sena ulafweba?”

Wa kati, “Iiyi, munene, Nda cita.”

<sup>51</sup> Nda kati, “Ee, mpawo weelede kulesya ceeco.” Pele nce ncico, kuzwidilila, eco ncoba konzya kutondezya kuti cila cicita.

<sup>52</sup> Lino, Nda kaamba kumbele kuti nyika iimvwi alimwi ikuti lusumpuko kaluliko, kaindi mu ciindi cakulesya zikola kwakali kabotu kusambala bbodela lyu whisiki, cinooli ziindi zili kkumi ezyo zibotu zya kusambala cipakete ca misanga yatombwe mu myaka misyoonto kuzwa lino, ikuti lusumpuko mbolubede. Nziindi zili kkumi zibyaabi maningi kwiinda whisky. Mbo cibede masimpe. Ngu—ngu sikujaya, oyo. Elyo inga waambila bantu kujatikizya ncico, nkabela taba bikkili maanu maningi kuli ncico. “Walo mukambausi mubumbulusi uusalala,” a kucilekela kuunka. Nywebo mwabona, nce ncico, taba boneki.

<sup>53</sup> Pele, kaambo kangu nka boobu, ezyo zintu zyasayaansi mbo zyakakonzya kuzwidilila. Ba kaliko ku Meebebe a Inyika, kutondezya kwinda ku kubbutukizya kwasayaansi eco sayaansi

ncoya kali kukonzya kuzwidilila mu zintu zyakunyama. Lino, tuli waano kutondezya kwiinda ku kubbutukizya kwa kumuuya eco Leza nca konzya kuzwidilila a bantu abo bayo syoma Ijwi Lyakwe. Lino, ku zwidilizya zintu zya sayaansi, mweelede kubeleka mu nzila yasayaansi. Ku zwidilizya zintu zya kumuuya, mweelede kubeleka mu nzila ya kumuuya. Lino, muyeeya kuti eyo mbeba yakali kulibonya bubyaabi, muli eco ncoya kacita, mwa keelede kwiibona! Ni Nda kali jisi cifwanikiso ca njiyo, nokuba, ku tondezya. Ikuti ni Nda kakonzya kuba aco, Ne kacita, pele niba taka kulekela kuba aco. Pele amubone. Mubwini, mbeba ilapona buyo maora masyoonto aambi, bamwi babo taba kaponi akwalo mazuba ali ciloba. Pele amu ciyeeye!

<sup>54</sup> Mu yeeya kuti eco cakalibonya kuligwa cilonda, mweelede kubona oyo muntu waakaka Makanimabotu. Mweelede kulanga obo cintu ciboneka kusesemya mbo cibede. Obo dyabulosi mbwa jata muntu alimwi ulakonzya kupindamuna mwana wa Leza mu cintu ciboneka kusesemya, mbuli mbwa bede mu meso aa Leza. Oh, inga waba kulampa kwa tukokola tuli cisambomwe, a makuko mbuli Mbwe tazi cintu, a masusu aavungene a *cintu*, eco ta caambi cintu. Kwalo mukati ka muntu kukkalila. Kwaanze ndi suko, nekuba.

<sup>55</sup> Aboobo ndu sumpuko, elyo mpawo bakali kutondezya, kajisi eyi nyeleti ya mwaakwe azintuzyonse, eco ncoba katondezya kuzwidilila, eco ncobakali kukonzya kucita, a kupandulula ma atomu abo oonse azimwi zimbi. Ba kajisi kwaamba kumbele kwa ceeco Chevrolet mbwanga waba. General Motors yakali cijisi akutondezegwa, eco i...muli cimbi, sencwari iccilila, obo Chevrolet yamu twentiethi sencwari mboiya kuboneka. Ca kalibonya kuli ndime mbuli ii—ii paipi ya gaasi ijisi civumbyo atala lyayo. Lino, ba katondezya nzila mbo cakali kuyo beleka a mulilo ku nguzu zya atomiki ijsi musyobo umwi wa mababa unga watanta atala lya umbi a kwendelezya. Eco inga caba ii—ii coolwe cipati.

<sup>56</sup> Pele Nda yeeya ikuti na inga twa joka mu mapeegi aa Bbuku lya Leza, cifumo cino, a kubona eco mbungano mboiyo boneka ku ciindi eco, kubona kuzwidilila oko Leza nkwa kabamba. Oh, obo mbo zicitika lyoonse mu nyika eyi twiiminina cintucimwi eco cizwa ku busenabumwi bumbi; pele cindi cauma nyika, kanji cili mu ciimo cakasandulwa sandulwa nkaambo cili mu inyika ya mudima a cibi. Mwabona? Pele mpawo kuli kwiiminina kwini mu zilao zya kumuuya zya bube bumbi. Kuzwa mukuba mu bube botatwe, mpawo cilao cacisambomwe cili jisi ciiminizyo cayo. Ndili kkomene kapati kuli ceeco.

<sup>57</sup> Lino, atu bweze buyo kuzwidilila eno oko nkotwa konzya kucita mu myaka misyooonto yainda. Lino, atu talikila aa cintucimwi eco caka citika. Nse komukkazika kwa ciindi cilamfu, na Mwami wayanda, pele Ndi yanda kuti mubone ceeci

cakufwambaana. Elyo, oh, cindi nicaka boola kuli ndime, Nda kalimvwa mbuli kuuluka kuzwa. Lino amubone, eno, myaka misyoonto yakainda ceendelo cakali ca mbizi a cikocikala, kutali kulaale kwakainda, ciindi cailamfu cakainda. Nda kacita kweenzya kwangu koonse mu mbizi a cikocikala, a aa cuuno. Cindi ni Nda kali mulombe, myaka iili kkumi ayosanwe yakukomena, kkumi acisambomwe, Nda keenzya mbizi, elyo Nda kaunka ku dolopo mu mbizi a cikocikala, keenzya nkoonya kwiinda ku mbungano eyi awa, mugwagwa wa ntimba okuya, a cilobe awa cizwide bwizu mujulu mbuli buyake, kutandila, ca mbizi a cikoci, kususa bbatabiinsi a zintu kuzwa ku mpulazi.

<sup>58</sup> Lino Nda kainzya mu mootokala wa misinza. Ino ndwandaano! I buzuba bwa mbizi a tukocikala, mpawo buzuba bwa mootokala.

<sup>59</sup> Elyo mpawo buzuba bwa ndeke bwakasika ambali, obo bwakazwa ku nyika kuya mu luwo. Lino, ikuti na muoyo langilila, mbuli masimpe kuzwidilila oko mbo kwakabede ku sayaansi, ikuti na muntu uyooba a mizeezo ya kumuuya a kumvwisya, cakaiminina kuzwidilila kwa buvubi bwa Leza antoomwe a Mbungano Yakwe. Lino mazuba...

<sup>60</sup> Elyo, amuyeeye, mutumwa lyoonse ulaboola ku mamanino aa Mulumbe. Tu lizi mu makkalo aa mbungano okuya nzila mbo twa kajana ceeco.

<sup>61</sup> Lino, mazuba aa mbizi a tukocikala na? Ayo akali magolelo aa bukkalo bwa bana Lutherani. Mwabona, mbizi a cikocikala. Ba kasyoma mu kululamikwa. Leza kaleta Mbungano kuzwa ku Bunaroma, Bunakatolika, Wa kaleta mu kuzwidilila kwayo kutaanzi kwa kumuuya, cuti, “I baluleme bayo pona ku lusyomo.” Ayo akali mazuba aa mbizi a tukocikala, mbuli mbo bakali kuzwa ku...kusika ku mazuba aa mbizi a tukocikala, oto twakagola.

<sup>62</sup> Lino, kuzwidilila kuccilila muntu nkwa kajisi yakali ya ceendelo ca mootokala. Elyo, nywebo amubone, mootokala oyo ulayungizya ziindi zyoonse, mu nguzu zyayo.

<sup>63</sup> Lino, ku mamanino aa bukkalo bwa Wesley, kanjizy a kwiinda ku kuzwidilila kwa kumuuya, kusalazigwa, eco caamba cuti mbungano yaka sumpuka kuzwa ku ciimo cakululamikwa kuyaku ciimo ca kusalazigwa.

<sup>64</sup> Lino, Ndi yanda cuti muyeeye eci mbuli mbo tweenda antoomwe, eco mbungano ncoya kaitwa “mbungano” taili Mbungano. I Mbungano ni Mbungano, ya kumuuya! Makumi a zyuulu zya zyuulu taimuzi zyuulu zyaba Lutherani abo baka sangana mbungano, ba kazi buyo makani a kululamikwa mbuli ngulube mboya kazi makani a kweenzya mbizi amaulu onse. Tee—tee bakazi cintu kuli ncico. Elyo mu bukkalo bwa Wesley, obo makumi aa zyuulu mbo bakalibanda kusalazigwa, ba kazi

buyo makani a nguzu zisalazya izya Leza mbuli—mbuli kasulwe mbo kacita makani a mabbusu amu caanda. Mwabona, tiiba kacizyi ncobeni.

<sup>65</sup> Pele kwakali bantu ba kacizwidilizya. Aleluya! Mwabona oko Nkwe boola. Kwakali muntuumwi wakazi cintu “kululamikwa” cakali kwaamba mu meso aa Leza, “kuba a luumuno a Leza kwiinda mu Mwami wesu Jesu Kristo.” Kwakali bamwi abo bana Lutherani bakali kusyomeka. Ba ka Ci syoma. Takukwe makani eco mbungano ya Katolika ncoya kaamba, ba kasyoma Ijwi lya Leza a kwiima aali Ndilyo nkaambo mutumwa wa bukkalo obo wakakambauka “baluleme bayo ponena ku lusyomo,” nkabela baka syoma mu ciimo caku lulamikwa. Elyo bakali kukonzya ku luzyalo lwa Leza kuzwidilila kululamikwa, kuba a luumuno a Leza kwiinda mu Mwami wesu Jesu Kristo.

<sup>66</sup> Lino, tula bona alubo, ambali kwakasika ba Methodisti a kusalazigwa. Kwakali banji abo ba Methodisti baka salazigwa ncobeni. Lino, kuli banji babo baka citaminina a kuta ziba cintu kujatikizya ncico. I mbungano ya Methodisti yaka yiisyia kusalazigwa. Ba kati baka fugama a kulila a kujoka mujulu, kati, “Bulemu kuli Leza, Nda salazigwa!” Elyo baka zumanana ncobeni kupona mbuli mbo bakacita lyoonse. Pele bamwi baalumi abo a banakazi bakasalazigwa ncobeni kuzwa ku zintu zya inyika, a kupona buumi, bwakasalazigwa ambali. Nkaambonzi? Obo bwakali bukkalo bwa mootokala bwaka njila mu mbizi imbi. Mootokala, T-model yakaindi antela ma hosipawa ali fifitiini na tweenti. Mwabona, kajisi mbizi zili kkumi azyosanwe na makumi obile zyakalongela mu njini niini mbuli eyo. Kusalazigwa! Cindi sayaansi niya kazwidilila mu cintucimwi ku—ku—ku bulenge, Leza uli mukuzwidilizya cintucucimwi kumuuya. Mwabona, cintucimwi ciyabuya ciindi coonse. Elyo mpawo kumane bukkalo bwakusalazigwa . . .

<sup>67</sup> Lino, twa bweza muntu mbuli Bevington wakaindi. Muntu, oyo wa keelede kuba muntu mulemu maningi kwinda Mukwesu Bevington wakaindi? Elyo amulange kuli John Wesley, George Whitefield, Finney, Knox, bunji bwa baabo ba Methodisti bakaindi baka cipengela. Ba kainda mu gehena aa nyika, kupenzya, nkaambo baka syoma kuti Ijwi lya Leza lya kayiisyia kusalazigwa, ntaamo yabili iya luzyalo, alimwi ba kakkala anjiyo, alimwi ba kaisyoma, alimwi ba kacita zigambyo kubelesya njiyo. Mbubonya buyo mbuli Henry Ford abamwi bakacita ceendelo ca model-T Ford yakaindi atala ku lubazu lwa mbizi, wa kazumanana kweenda alimwi atala lya buzuba bwa mbizi. Elyo Wesley wakazumanana kweenda atala mu buzuba bwa Lutharenii.

<sup>68</sup> Elyo mpawo ambali kwakasika Pentekoste. Alimwi mbuli sayaansi ya inyika yakali kukonzya kuzwidilila mu—mu moota

ya myootokala, Babunyina bana Wright abo bakalenga na kupanga, kaanza, mubwini, ndeke, muncini uuluka wakali atala loko ku mootokala aa nyika, nkaambo wa kauluka mu luwo. Lino, Babunyina bana Wright, kwiinda mu kuzwidilila kwabo, bakali kukonzya kubweza sayaansi a kulikozyanisa cintu cimwi awa aa nyika, kutondezya kuti kwakali cintu cipati ca kumuuya cakali kutandila kucitika. Elyo cindi Babunyina bana Wright niba kakonzya kuzwidilila kubweza muntu kwa tukokola kuzwa aansi, Pentekoste yakawa akuya mu luwo a cipego ca kumuuya, a lubbizyo lwa Muuya Uusalala. Wa katutola mu luwo! Oh, aleluya! Kanyamuna matende akwe kuzwa ansi kutegwa ka konzya—ka konzya kuyamba konse, katanta mu luwo! Oh, obo kusakana mbwakali atala ly a mbizi a cikocikala! Obo kusakana mbwa kali atala ly a mootokala! Wa kali mujulu mu luwo. Wa kali kukonkomona a kuyoya a kuuma, pele wa kali kuuluka. Mwabona, eco muntu nca kazwidilizya aa nyika, nkambo ba kabambwa a zintu ezyo zitaboneki. Leza wakali kukonzya kuzwidilizya cintucimwi ku bantu bakazwide Muuya abo bakafwa nzala a nyota, a baabo banga bakkala a Ijwi.

<sup>69</sup> Lino, ikuti Wesley nata kanjila mu Ijwi akujana zina bbi kusule lyakwe, wakaitwa kuti muntu usondokede, a zintuzyonse zimbi, na taka konzya kuzwidilila. Pele Wesley wakali umwi wa banasayaansi bapati iba Leza. Luther wakali umwi wa banasayaansi balemu ba Leza. Tii baka jisi makani eco mambungano nca kaamba, eco tubunga nco twa kaamba. Luther taka jisi makani eco ba Katolika ncoba kaamba, wa kasyoma baluleme bayo pona ku lusyomo! Aleluya! Elyo wa kabweza makkemikko a Leza aku Ijwi akwabikka antoomwe, nkabela mbungano ya keenda ku lusyomo. Wesley waka cibikka antoomwe kwiinda ku Bulowa, a kucitondezya kwiinda ku Bulowa, nkabela mbungano yaka salazigwa. Iba Pentekoste bakasyoma kuti lubbizyo lwa Muuya Uusalala, kuti cisymezyo cili kuli ndinywe a bana banu abalo bali kulaale, alimwi baka bikka makkemikko antoomwe kuzwa ku Ijwi, nkabela ba keenda mu luwo. Aleluya! Ba kazwa, nkaambo bakali kukonzya ku manizya zili boobo.

<sup>70</sup> Lino, nkaambonzi bantu aba ncoba citila ceeći? Nkaambonzi Luther wa kacijana? Nkaambonzi Wesley waka cijana? Nkaambonzi aba bamwi bakacita? Nkaambo ciyasyo cakali lede awa a nyika cakali kukonzya kupanga T-modelo Ford. Kwakali malaiti ayo akali kukonzya kupanga i—i mootokala wa kuzuzila. Kwakali mafuta mu nyika, kwakali mapisiton i a zimwi, boonse bupange, kkabboni ya genireta, a zintuzyonse nzoba keelede kuba azyo kuti balenge zintu ezi, a kucibona kutalika...ku cipanga, mubwini, kutali ku cilenga. Leza ngo Mulengi, Wa kali cijisi kacikkede awa. Pele muntu waka cisyma mu cilao casayaansi, ca kunyama, wakavwentauzya muli ncico, elyo tiiba kabweza “peepe” ku bwiinguzi. Ba kacisyoma. Ca

kali ciyubunuzyo mu moyo wabo, alimwi baka kkala a ncico kusikila noba katondezya kuti cakali luleme.

<sup>71</sup> Eyo nje nzila John Wesley mbwa katondezya kusalazigwa. I—i cibelesyo cakabikkidwe awa, Ijwi ly a Leza eelyo lyaka cileta. Wa kacisyoma! Takukwe makani na mbungano yoonse, mbungano ya Anglikeni nkabela zyoonse zyaka mu kaka, wa kakkala a kulamwa kwakwe elyo wa kacitondezya. Elyo ba Pentekoste bakasika koonse a kutondezya, nkaambo baka jisi zibelesyo, kuti Muuya Uusalala wakali luleme. Elyo baka tola ku luwo.

<sup>72</sup> Sa mwakabona, kumwi—kumwi kuzwidilila oko kwasayaansi kwa keenda a kumwi kumbi, kwa kalumbaizya kumwi kumbi. Cakali buyo ciimo caatala maningi. Mwabona? I mootokala wakali ciimo caatala loko wa ceendelo kwinda ca mbizi, alimwi ndeke yakali ciimo caatala loko ca zyeendelo kwiinda mootokala, pele zya keenda acimwi cimbi. Nguzu zya mbizi! Ameni! Ikuti na ezyo ni nguzu zya mbizi, ino kujatikizya nguzu zya Leza? Ino kujatikizya Muuya Uusalala a nguzu? Ii nguzu zya Muuya Uusalala zinga zya kululamika, nzyoonya nguzu zya Muuya Uusalala inga zya kusalazya. I nguzu nzyoonya zya Muuya Uusalala zimusalazya, inga zya muzuzya a Busyu Bwakwe. Elyo sayaansi niini, yataka ziba ma ABC abo, baka cijana. Nkaambonzi? Ba kali banasayaansi ba kumuuya. Ameni. Ba kabona cintu, baka cisyoma. Muntu waka cicita kwiinda ku lwiiyo, munasayaansi waciyanza cabulenge. Muna sayaansi wa kumuuya wa kacicita ku ciyubunuzyo. Umwi ku lwiiyo, aumbi ku ciyubunuzyo. Oh, ikuti na twa konzya buyo kujula. Kuli misyobo yoonse ya zibelesyo zikkede awa. Mbo mbubo.

<sup>73</sup> Lino tula bona mbo ceenda, nzila Leza mbwa kakonzya kuzwidilizya ceeco. Mu bana Pentekoste, bakatolwa mu luwo. Obo mboba... Mpawo baka boozegwa ku mbungano, kuponesegwa, kwaambaula mu myaambo, ciyubunuzyo, zipego zya Muuya. Kuti, Luther taakwe ncakazi kujatikizya ncico, naanka Wesley. Taakwe niba ka ciyiisya, taakwe nciba kazi kujatikizya ncico. Ca kali zwide mu bukkalo bwabo.

<sup>74</sup> Baa, ino inga Henry Ford niya kaziba makani aa ndeke mu buzuba obo kumbele ly a Babunyina bana Wright? Mwabona, niba taka ciziba. Mpawo cintu nciconya eco i—i muntu kaindi kuya a kweenzya mbizi a cikocikala, myaka iiiili myaanda yosanwe yakainda, baka tazyi cintu cijatikizya ceendelo citabelesyi mbizi, cita biyo Bbaibbele ly a kaamba kuti ciya kubako. Aboobo bakali kukonzya kucizwidilizya ku kubbutukizya kwa sayaansi. Elyo cindi nicaka citika a nyika, Leza waka citondezya a kuzwidilila kwinda ku Mbungano Yakwe. "Nkambo zintu ziliko, zilibonya, zya kalengwa a zintu zitalibonyi." Mwabona, kutondezegwa kwa ncico.

<sup>75</sup> Lino, lino bukkalo bwa Pentekoste, kwa myaka yamamanino

ili makumi osanwe, kватума lubukulusyo ku nyika yoonse, a misyobo yoonse ya zintu zyoonse muli njiyo. Elyo baka jisi kuponesegwa, a malwazi kaba ponesegwa, basunkuta baponesegwa, boofu baka jisi kukubona kwabo kuboozegwa kuli mbabo. Sena tuyeyya kuti inyika ya kacisyoma? Peepe, munene. Teeba kamusyoma Luther. Teeba kamusyoma Wesley. Teeba baka basyoma ba Pentekoste. Pele Leza waka bweza Bbaibbele, mu kubbukizya kwakwe, muntu oyo wakali kuyanda kucicita, kabweza Bbaibbele a kutondezya kuli ncico kuti Lyā kali luleme. Ameni. Lino tweede kuyeyya kuti, twe elede ku cisyoma, mukubona zintu ezyo kuti zyakali cikozyanyo. Lino twa kapona bukkalo bwa Pentekoste. I bukkalo bwa Pentekoste, mbuli mbo Nda tondezya kuya, kuunka mu bukkalo bwa Laodikeya.

<sup>76</sup> Pele lino cintucimwi cimbi cakacitika. Tu jisi astronanti eno. John Glenn wakali astronanti mutaanzi. Elyo tu jana kuti oko kuli atala lya ndeke, ndeke ikonzya biyo kuunka mbuli kufundilila kwayo a zimwi. Pele oku nkwiinda ku nguzu zya atomiki, nguzu zipati maningi ezyo zimu sungilizya loko kwiinda ndeke, ndeke akwalo—akwalo taili muli njiyo. Mbo mbubo. Wa kali kukonzya kucita ceeco. Yaa. Lino tu jisi astronanti, bukkalo bwakunyama.

<sup>77</sup> Elyo, amuyeeye, mutumwa ulaboola kumamanino aa mulumbe mutaanzi, lyoonse. Twa tondezya eco awo. Lino tuli munzila ya astronanti. Ameni alimwi ameni! Leza wa . . .

<sup>78</sup> Sayaansi yakali kukonzya kutondezya kuti kuli astronanti ukonzya kuunka kulaale kusikila tokonzyi ku mubona a meso ako akunyama, alimwi ula konzya kuunka na kuli kufundilila kuliko nape. Ula konzya ncobeni kwinka nkaambo uli mu tanki lya kafundilizigwa, alimwi ula konzya kutanta atala alya akweenda konse akubona manyika onse. Muna astronauti! Oh, ma, ino mbukkalo buli mukuboola. Iiyi, munene, kuunka kwindilila zintu zili zyonse zya kunyama, a kuswipukila kulaale kulamfu.

<sup>79</sup> Ino wiiminina nzi? I bukkalo bwa kumuuya, ciindi ca kumuuya oko Leza nkwa yooba abastronanti ba kumuuya. Ameni! Bali waano ndyoonya lino! Aleluya! Basikwaze ba muluwo bala konzya kuunka kwindilila muyuni umwi umbi, kweenda atala lya cintuconse, bana astronanti ba kumuuya (Bulemu!) abo bakonzya kubweza Ijwi lya Leza a kutondezya kuti Ngu mbobuca nguwenya, sunu, amuya myaaka. Astronanti wa kumuuya! Oh, ma! Bulemu! Eco cindibamba kulimvwa kabotu, kupona mu bukkalo obu! Lino ino ncintu cibotu kuli astronati wa kumuuya! Mwabona? Ino ncinzi? Ino banasayaansi bakacita nzi? Baka konzya kuzwidilizya ceeco, Elyo Leza, kwiinda ku muntu oyo unga wakkala a Bbaibbele a kwaamba kuti “Ngu mbobuca nguwenya, sunu, amuya myaaka,” alimwi kuta yoowa cisyomezyo kakutakwe kulanganya eco umwi nca

kaamba, amukkale a ncico. Ino ncinzi? Yebo uba astronanti ukonzya kusakana loko kwindilila kuyeeya kwakabungwe. Cila indili cili conse. Ula indilila zintu ku zintu zya mbungano. Kulaale oko a Leza a Nguwe luzutu mula kkala. Bastronanti!

<sup>80</sup> Elyo, amuyeeye, kutegwa ube astronanti, baka cita kunjila mu tanki, alimwi taba konzyi kulyeendelezya beni. Citola nguzu zya rada, nguzu zya atomiki zyaku mutantamuna kwiindilila busena, elyo mpawo ulendelezegwa ku ngazi. Bulemu! Baastronati ba kumuuya iba Leza bali mbubonya! Ba njila mu tanki, a mu busena, mu mubili, alimwi oyo mubili walo Mubili wa Kristo. Mpawo, tali mbabo, ta—ta bali, takali John Glenn, ya kali—ya kali tanki omo mwakabede. Wa kali muncina. Wa kakkala buyo alya, ta kacita cintu. Wa kajisi buyo camba cini cisetekene kusika okuya a kwaamba kuti “cili luleme,” nkaambo sayansi yaka citondezya.

<sup>81</sup> Leza uyanda muntu oyo uukonzya kunjila muli Kristo a kusyoma kuti Ngu mbobuca nguwenya, sunu, amuya myaaka, a kuta bweza kuyeeya kwabo beni, kuzwa kuya mu mwaakwe, kweendelezegwa aa Muuya Uusalala. Amen. Baastronanti! Fyyu! Nkule buti kaindi kuzwa ku mbizi yakaindi a cikocikala! Nkule buti akwalo kuzwa ku ndeke! Obo mbo cili kulaale kuzwa ku kululamikwa, kusalazigwa, lubbizyo lwa Muuya Uusalala! Ba boola kuli basikwaze. I lutaanzi, bakali bantombela, mpawo bakaba nkuku, mpawo baka bacikwaangala, pele lino mbasikwaze. Taakwe umwi ukonzya kubatobel!

<sup>82</sup> Ii sikwaze tuyuni waandeene. Ula konzya kuya mujulu maningi kwiinda tuyuni umbi uli oonse. Uli bambidwe kuti kabona, kubamba mutwe wakwe kweelana cindi atanta okuya. Kuli bantu bakonzya kusotoka mujulu nkabela bala sweeka awo mpobabede bamana kusika okuya, nkaambo ta konzyi kubona ambele kwiinda mbwa sotauka. Pele kuli bamwi abo bakonzya kucebuka a kubona eco cicitika. Oyo ngu sikwaze. Ula konzya kwiima awo mane wa ka cilangalanga, a kulindila mane wamwya mulumbe oyo umwaambila eco ca kwaamba. Oyo ngu astronanti wa Leza. Mwabona? Kwa katobela kuzwidilila konse kumbi, nkaambonzi ta kukatobeli oko kuzwidilila?

<sup>83</sup> Baastronanti ba Jesu. Amen. Ta endi nikuba ku nguzu zyakwe mwini. Ula waalwa. Cintu biyo nca cita nku njila muli ncico. Nku koonse nkoelede kucita, nku njila muli ncico, Leza uyo cita mu kudubula a kubikka. Ta zili nguzu zya mungwimba limbi pe, naanka, kansiyansiya kamwi ka mbungano. Ni nguzu zya Leza zimutonta kulaale kuzwa mu mwaakwe kutala okuya. Amen. Oh! Baa, ino ncinzi, aba banamutekenya yamu milenga? Bali jisi i... Ta bayandiki... bweza buyo bbala kululamikwa, bbala buyo lya kusalazigwa, uli jisi mu Bbaibbele lyoonse. Amen. Uli jisi muli coonse ca ncico, nkaambo kakuti ulizi kuti Leza ulakonzya kucita cisyomezyo conse Nca kasola kubamba.

Uli kkede buyo awo a kulindila. Oh, ma! I Ijwi lyaangidwe kulyubulula Lini. Ikuti na uli cisidwe, alimwi astronanti, koyeeya buyo, njila muli Kristo, lindila kkaundidauni. Nku konse. Uya kudubula musyonga, uta pengi. Lino, wakali kukonzya ku cizwidilizya nkaambo Leza waka cisyomezya.

<sup>84</sup> Lino, ino mupati buti loko astronanti, ezi zintu lino, kuzwa ku nguzu zya mbizi zyakaindi, nguzu zya mootokala, a—a nguzu zya ndeke! Nywebo mwabona, astronanti, ula atala maningi cakuti ula konzya kuzibona zintu muntu mu mbizi a cikocikala nzya takonzyi kubona. Uli mujulu loko cakuti inga wabona zintu ezyo muntu mu mootokala nzya takonzyi kubona. Ula atala loko cakuti ula konzyi kubona zintu muntu uuluka mu ndeke nzya takonzyi kubona. Wa kainka kulaale kutamvwiki. Ameni. Bulemu! Nce ncico. Wa kaunka kwiindilila kuzwidilila kuli koonse kukonzya kuyeeya, kabunga, kabungwe, “We elede kuba muna Methodisti, Baptisti, na kuzulilwa kuli *eyi* imwi, bumwi, bubili,” na kufumbwa mboibede. Walo ngu Astronanti, wa kauluka mulaale mu mwaakwe. Ameni. Obo Mbwe lumbide!

<sup>85</sup> Elyo, amuyeeye, astronanti weendelezegwa a nguzu zya redar. Inga mwababona kaba njizya John Glenn. Nda kalanga ansi okuya ku Cape Canaveral akubona eco cintu cipati ca redar, alimwi tokonzyi akwalo kumubona ali onse, pele inga waziba awo mpakabede kunzila eyo redar mboya kali kutondeka. Awo mpa kabede. Mwabona? Alimwi tu jisi redar, aswebo, mupailo. Mupailo ni nguzu zya redar zilailila astronanti. “Amulombe Taata cili coonse mu Zina Lyangu, Ndiyo cicita.” Mwabona? Amulange buyo nzila mupailo mbo uunka, inga wabona nzila mbwa tondeka. Ameni. Amulange buyo nzila mbungano mboi paila, inga wabona nzila tudandamiti mbotuya kuuluka. Inga wa ciziba ku i—i nzila baastronanti mbo beenda, ku nzila mbungano mboi paila.

<sup>86</sup> Ula komba, “Mwami, mubwini ta tusyomi mu zintu ezi.” Uh-oh! Oyo sikweenzya ndeke mu milenga uya kuselemuka. Kwa mana. Oh, mukwesu!

<sup>87</sup> Pele cindi zintu zyoonse zilakonzeka, “Mwami, kotila Muuya Wako aa mbungano a kuupa eco nco tu bulide. Kutila ali ndiswe Muuya Uusalala, aku tugusya buyo kuzwa ku kubuzyabuzya konse, a kusyoma kuti Ijwi eelyo lili luleme nkabela tuyo ima ncobeni munsi lya Ndilyo.” Amulange skriini mpawo yatalika kunyamuna mutwe wayo mbuli boobu, mwabona. Astronanti ula zumananaaku zumananaaku zumanana, kulaale mu luwo. Humu! Mubotu! Ula indilila kabungwe kali koonse, kuunka kwiindilila kansiyansiya kamwi.

<sup>88</sup> Lino amuyeeye, kululamikwa kwabikkilwa kansiyansiya, mbo mbubo, ula syoma kululamikwa mbuli kumwi mbuli bana Lutherani akufumbwa setilaiti yabo. Obo mbo babede, masetilaiti, pee tabana kuzwa aansi. Wa bweza kusalazigwa a

masetilaiti abo. Wati, "Niinzi masetilaiti kubana Lutherani?" Ee, Mbungano ya Kristo a nkamu eyo okuya. "Niinzi setilaiti kuli Wesley, kuli ba Methodisti mbuli boobo?" Nazaren, Piligrimu Holinessi, masetilaiti abo. Elyo mpawo ba Pentekoste a masetilaiti abo, ndeke, masimpe, babumwi, babubili, babutatu, babune, bonse aba atala, Foursquare, Mbungano ya Leza, bonse bacijisi mu kabungwe kwinda kutuyanza twa buzumini.

<sup>89</sup> Pele astronanti ula njila mu saundi bbalia. Ula zwidilila nzonzyo. Ta mvwi cintu. Oh, ma! Ula unka buyo kwiindilila zyoonse zyaco. Mwabona, uli kulaale kutala kuya oko zintu zyoonse... Walo upona mu Busyu bwa Leza. Iiyi, munene. Wa kacisyomezya, Ijwi Lyakwe lyaamba kuti Walo Mupaiizi Mupati. Ula konzya kubona eyo redar mpatti kakkede alya akweenda na? Amu Mu langilile mu muswaangano. Inga mwa langilila cindi Muuya Uusalala waseluka ansi mu ciimo ca Musumpulu wa Mulilo mbuli Mbwa kasyomezya. Muntu taka kkali alya kasola ku Li buzyabuzya kubelesya sayaansi, musyomi wini. Ino Nguni? Ngu Redar Skriini. Amu Mu langilile. Ula talika kutondeka konse. Ameni. Elyo cila jata cimwi eco awo, oyo astronanti. "Yebo ujisi kkulenge. Yebo ujisi *cceci-a-ceeci*. Uli *Cececi-a-ceeci* kuzwa ku busena buli obo. I Mwami Jesu akubambe kuba kabotu." Aleluya! Walo uleenda. Baastronanti! Oh, ma, ino ni Mbungano mbo Ye elede kuba! Ili waano.

<sup>90</sup> Kuzwidilila kwa katondezegwa ku sayaansi. Ba kakutondezya okuya ku Meebebe a Inyika. Tuli kujisi. Ameni. Kula tondezegwa konse, bukkalo bwa astronanti mbo tuponamo. Mwabona, "Ca kabambwa ku zintu ezyo zitaboneki." Mwabona, caka pangwa kuzwa ku cintucimwi cizwaku Julu. Ngu Leza Mwini; muli mu cilao eco cacisambomwe. Ni nguzu zya Leza. Twa kali mu busena buli boobo kusikila twa kasumpulwa mu cilao eco, kwiindilila cintu eci kuya ku cuumbwe a koomoka, eci cintu cakubikka kazwidilizyo a kajuzyo ka citendele akwaamba ndauka kwalyonse. Aleluya! Twa kanjila mu astronanti, a kuulukila kulaale akubona awo mpo cibede, akujokela. Bulemu! Tuya ku Muunzi kwiindilila mulengalenga kutala, kwiindilila kubuzyabuzya kwa muntu. Obo bacembeede mbo baya kucinewa mu kaindi ka kulaba kwa liso. Tuyo babona kuya, baalumi a banakazi bakaindi, bakibusyi alubo. "Mboluti mbo muziba?" I Bbaibbele lila ciyiisya! Alimwi, Leza waka waala astronanti kutala okuya, tu lizi eco nco caamba conse, jokela. Kwiina kulibilika kujatikizya kufwa. Kufwa tacaambi cintu. Masimpe, nku pona. Iiyi, munene. Nku gwisya buyo matende ako kuya aansi kutegwa inga twaunka. Oh, obo mbocili cibotu!

<sup>91</sup> Wa kasyomezya zintu ezi zyoonse mu Ijwi Lyakwe, nkambo ka ba Hebrayo 13:8 yakati, "Ngu mbobuca nguwenya, sunu, amuya myaaka." I zintu ezyo Nzya kali kukonzya, Leza wakali kukonzya kuzwidilizya ku muntu omwe oyo wakali kuno lipa

mwini kuli ncico, ku Ijwi lya Leza, nkaambo, mbuli Mbwe kaamba masiku ainda, wa kaima lyoonse a Ijwi.

<sup>92</sup> Lino, sena mulizi cintu, ba astronati tabali cintu cipy a ncobeni. Ino kujatikizya Eliya? Ikuti na takali astronanti, Nseno mubona umwi. Wa kaunka oko John Glenn nkwa takasola kuyeeya kuunka.

<sup>93</sup> Ee, nywebo mulizi, ba kajisi kuuluka komwe kwa kweenda mucebuce ciindi cimwi. Zina lyakwe wakali Enoki. Wa kazumanana buyo kuya mujulu, pele wa kali astronanti. Masimpe. Wa kafundilizigwa, ta keelede kucincwa, taakwe. Peepe, wa kafundilizidwe kali cindi naka talika kweenda. Kazumanana buyo kweenda kuzwa ku kweeleka koonse a zintuzyonse, kweenda mu Busyu bwa Leza.

<sup>94</sup> Elyo aboobo mulombwana umwi mudaala wakali katede alimwi takali kukonzya kweenda kabotu loko limbi. Wa kakwankwana a Jezebele, alimwi masusu akwe mafwafwi a misila a zintuzyonse, kusikila Leza wakatumina nkalaki kuseluka ansi, kati, "Njo mulekela buyo kweenda mu makumbi masikati aya." Astronanti!

<sup>95</sup> Ciindi cimwi Umwi wakaboolela kufwida ndiswe toonse, nkabela Leza waka Mu busya aa buzuba bwatatu. Elyo bantu bali myaanda yosanwe bakaliimvwi alya aku Mu bona katolwa mu makumbi, a Jwi kaliti, "Njo boola alubo." Elyo Baangelo bakajoka akuti, "I nguonya Jesu wakatolwa kujulu, Simalela Asronanti, uyo bweeda alubo mu ciyanza cili boobo, mu musyobo nguonya wa cipambukene omo Mwa bede, mibili, uutafwiki." Aleluya! "Elyo tu yooba a mibili mbuli mibili Wakwe Wini wabulemu, nkambo tuyu Mu bona mbuli Mbwa bede." Oh, aleluya! Wa kamwaya zisinkila zyoonse, zisinkila zyoonse, a kwiindilizya kubuzyabuzya, kainka kwiindilila kufumbwa cintu cimbi.

<sup>96</sup> Alimwi kufumbwa muntu wakasola kuponena Leza uyo yandikana kweenda kwindilila magano ali osanwe, uyo elela kuzumanana lwiiyo luli loonse, kuzwidilila kumwi oko muntu nkawkonzya kucita, a kusyoma Leza, kumwaya zintuzyonse a kuzibikka ambali, akuya ku Julu. Amen. Oh, abo basikweenzya ndeke mu milenga azimwi zimbi zya kabwezegwa kunyama, Leza ula konzya kucicita kwiinda ku mbungano Yakwe, kwiinda kuli cakumuuya, kwiinda ku bantu basimuuya abo bayo syoma. Kufumbwa mwaalumi na mwanakazi uyooba acamba kufumbwa ciindi, kufumbwa ciindi akubweza Leza ku Ijwi Lyakwe, ngu astronanti.

<sup>97</sup> Bala ti, "Oh, eco tacijisi kuyeeya kubotu. Amumvwe abo bantu kabalila, koongolola, kumvwa ceecei? Oh, eco tacijisi kuyeeya kubotu acalo." Eco taci mvwisyi.

<sup>98</sup> Muntuumwi waka ndaambila, kuti, "Wa kajisi ciloto, Mukwesu Branham, cindi wabona busena obo." Nse kajisi ciloto.

Nda kaliimvwi atala alya nkelangide ansi awo Mpe kalede aa bulo. Kwayanda ndali kulota aa bulo, pele Nda kali atala awa nkelangide ansi ndemwini. Mwabona? Oh, Wa kandipa buyo astronanti muniini kweenzya cifumo eco, undi tondezya kwa kuunka. Alimwi citondezya kuti redar yako uyo tondeka, nkoonya nko cibede. Lino, ta ndili ndime, walo Nguwe. Walo muuya wako muli nduwe kausyoma Mulumbe oyo, alimwi walo Muuya Uusalala wiimvwi awa awo Mpe bede, alimwi ula cisyoma boobo nkabela cila kwaba; alimwi nceeci cajoka ncobeni, bwiinguzi bwako. Astronati! Ameni. Oh, obo mbocili cibotuloko! Iiyi, munene.

<sup>99</sup> Mupati, sayaansi yacita cintu cipati. Elyo, nywebo mulizi, baka cikomezya loko kusikila bali mukuyoowa lwabo. Mbo mbubo. Ba jisi bupati maningi kusikila bala yoowa beni. Nywebo mulizi, ba kaamba awa kutandila myaka yobile yainda, akali “maminiti otatwe kusika akatikamasiku.” Ba yoowa. Ino bacita nzi? Lino, muntu wa kakonzya, kumane bupange bwakwe muli asronanti wa bupange, lino ula konzya kuzwidilizya oyu astronanti. Elyo ula yeeya lino kuti cindi Russia niya sola kutilika kulizya cisi eci, na cisi cimbi cimwi, uyo enda kuya ku mweezi.

<sup>100</sup> Nda kabona cintu ciniini cakatenda maningi buzuba bumwi, cakali cibotu loko. Kwakali bama India bobilo baniini kabaimvwi, kabaambaula kuli umwi aumwi, mupika muniini wa mancenjela, nywebo mulizi, mbuli boobo, a mapepe kusule lya mitwe yabo, akusukana maanza, kubuwana umwi aumwi. Kati, “Bro’der, calino tuyo lijosezya cisi, bamakuwa baya ku mweezi.” Kati, “Tuyo oba cisi cesu cakufwambaana alimwi. Mukuwa uya bweenda atala lya mweezi, aboobo tuya kuba a cisi cesu cini alubo.” Kuli kabotu.

<sup>101</sup> Oh, eno bonse bayanda kubamba onse aya magomo aba astronanti kutegwa banjile mukati. Alimwi i—i bukkalo bwa atomiki bwasika, bayo bbotola inyika, baya kukwela buyo *eci* nkabela bonse kuya ku mweezi, kubweza lweendo kuya ku mweezi, akuba anguwo onse, akutegwa bayo bamba bувуби bumbi aa mweezi. Taba kainki kuya. Ta ndisyomi, a moyo wangu onse, bayo sola kusika kuya. Mwabona?

<sup>102</sup> Pele, ku ciindi nciconya, musyomi wini ncobeni muli Kristo wa njila Astronanti yakwe. Ameni. “Ku Muuya omwe toonse twa kabapatzigwa mu Astronati yomwe” Oh, Mubili omwe! Inga kwaima kufumbwa musyobo wa kufundilila. Ba kacisola mu bbila lya mulilo, ciyo ima mulilo, aboobo ta konzyi kupisya; ziindi zili ciloba kupya. Ba kacisola mu zintuzyonse, kulibonya kabotu. Aboobo bana sayaansi basimuuya baka konzya kutondezya kuti inga bazunda cili conse. Mburonya i—i musyomi wini wakumuuya waka tobela mwini akunjila mu Astronanti wa Leza, Kristo, kasyoma zintu zyonse; kubikka

ambali tuyanza twakwe twabuzumini, tuyanza twabuzumini twa Pentekoste, tuyanza twabuzumini twa Baptisti, tuyanza twabuzumini twa Methodisti. Wa zwa kunjila mu Astronanti, kati, “Mwami, kulali bambila lili?” Oh, ma! Ino ucita nzi? Walo uboola ku miswaangano misyoonto, ula swiilila ku kkauntidauni ya Ijwi lya Leza.

<sup>103</sup> Nywebo mulizi, cindi John Glenn naka kkala alya cifumo eco, bakali kuswiilila ku kkauntidauni. “Teeni, naini, eiti, seveni, sikisi, faivi, foo, thrii, tuu, wani, ziro.” Mwabona? Elyo lino we elede ku kasena awo mpo lyaamba kuti, “Maminiti otatwe mane cintucimwi ciyo mwaika.” Ta bazi kuti ncinzi. “Maminiti otatwe kusikila tu jisi oora lya ziro.”

<sup>104</sup> Lino amubone, musyomi wini uli muli Kristo. Taakwe kuzulwa kuli baabo bali muli Kristo. Amu kambauke Ijwi, amukkale ncobeni a Ijwi. Ta ndikwe makani eco tubungwe neco twaamba, bayo Li syoma. Bayo ima mpoonya awo, nkaambo ndi Ijwi. Basitubungwe babusya kukwankwana kupati a kuba tanda, kuba gusya, a kwaamba “bali sondokede,” zintuzyonse mbuli ezyo. Pele bala kkala ncobeni a Ijwi eelyo. Kufumbwa kuti Leza waka cisymezya, ba kkala kuya nkaambo mba sikweenzya ndeke mu milenga. Bala syoma Ijwi. Elyo kwiina nzila yaku bagwisya. Bayo musiya nekuba, aboobo amu baleke buyo—buyo balikke kwa kaindi.

<sup>105</sup> Pele bali mukati myua, kabakkede mu masena Aakujulu muli Kristo Jesu, kuswiilila ku kkauntidauni, *Makkalo Aa Mbungano* azimwi. Bulemu! Ku mubamba kulimvwa kabotu, embo na? Kuswiilila ku kkauntidauni! Niinzi kkauntidauni? “Zyonse zintu ezyi zya kasyomezegwa, mpaawa mpo cakacitikila. Zintu ezyi zyonse zyaka syomezegwa, mpaawa mpo caka citika. Awo ali cisymezyo, mpaawa mpo caka citikila. I kuzwidilila oko Nkwa kasyomezya sunu, nkooku mpoonya akati kesu.” Ino bacita nzi? Kuswiilila ku kkauntidauni. Ino kwasakana kusika buti? Lweendo lonse kuzwida kuli Luther. I kkauntidauni! “Kululamikwa, kusalazigwa . . . Teeni, naini, eiti, seveni, sikisi, faivi, foo, thrii, tuu . . . Uluka!” Ino bacita nzi? Balindila kuuluka, ora lya ziro. Ameni.

[Mukwesu Branham, kwinda maora ali eiti, kwa karekkodwa eci cibbeela camamanino cakayungizigwa kubikkwa omu mbuli maparagirafu 106-111. Ula pandulula eci kuciindi ca nkambauko yakwe yaku mangolezya, *Mu Busyu Bwakwe*, paragirafu 4-5—Mul.]

<sup>106</sup> Oku kuzunguluka kupati Mbungano nkoi libambilila kucita, a ciindi cipati ca kkauntidauni, Ndi yanda kumu pandulwida eco Nce yeeya obo kkauntidauni mbibede. Lino, Ndi yeeya kuti twa kainda muli njiyo mu mbungano okuno. Elyo lino mula cibona eco, cindi asronanti wakunyama alibambilila kusiya nyika, kuli kkauntidaunu italika kuzwida ku teeni kujokela ku ziro.

Lino, Nsena sola kupasaula oyu Mulumbe akuupa bubambe bwa kumuuya, mbuli mbo cinga catola ciindi cinji cifumo cino. Pele Ndi yanda kusola kupandulula eci kuli ndinywe, kuti *kkumi* mweelwe wa “wanyika,” muntu. Pele *ciloba* mweelwe wa “bulondosi bwa Leza.” Mazuba ali cisambomwe Wa kapanga majulu a nyika, alimwi bwaciloba Wa kalyookezya. Elyo myaka ili zyuulu zili cisambomwe inyika yeelede kubeleka kulwana cibi, na mbungano yakabeleka kulwana cibi, alimwi caciloba ngu Mileniamu, Sabata.

<sup>107</sup> Ciloba mweelwe wa Leza uulondokede. Elyo lino Wa katupa kkauntidauni iluleme, alimwi kkauntidauni Yakwe taili ya teeni pele seveni. Twa kazwaa kwiinda muli ncico mu *Makkalo Aa Mbungano Ali Ciloba*. Lino tu jana kuti, alimwi omuya mu Ciybunuzyo, kkauntidauni ntaanzi yakali mu bukkalo butaanzi. Kkauntidauni yabili, bukkalo bwabili. Elyo kuyabuya ku kkauntidauni yaciloba. Elyo nkoku kulibonya kumbele lyesu, mbuli cifoto mbo calembwa, kuti twa kajisi eyi kkauntidauni. I mweelwe mutaanzi wakabalwa wakali wa Efeso. I mweelwe wabili wakabalwa wakali Smurna, Smurna. Mpawo Pergamo. Tuataira. Bwasanu bwakali Sardisi. Sikisi bwakali Filadefia. Elyo bwaciloba bwakali bwa Laodikeya, bukkalo bwa mbungano yamananino. Mpawo nciindi ca ziro, ku Mbungano kuti yeende, makkalo ambungano amana kubeleka mbali yawo. Lino, tulizi kuti bukkalo bwa Tuataira bwakasika akuunka, a bukkalo bwa Efeso bwakasika akuunka, bukkalo bwa Filadefia bwasika a kuunka. Elyo tuli mu bukkalo bwambungano yaciloba, ku mamanino ayo, bukkalo bwa Laodikeya. Alimwi eyo ngu kkauntidauni.

<sup>108</sup> Ikuti na mwalandisya mu ziiyo zyesu zyakaindi zya mambungano, Wa kajatilla mu janza Lyakwe *nyenyeezi zili ciloba*, ezyo nzyo twa kajana kuba “bakutausi bali ciloba ba makkalo aa mbungano ali ciloba.” Abumwi bwangawo bula lizibya cakulondoka mbuli Leza mbwa kabweza kkauntidauni Yakwe. Kuzwa ciindi Na kazwa, kusikila ciindi A jokela, Uli mukubunganya bantu antoomwe nkambo ka Zina Lyakwe. Katalikila aa Buzuba bwa Pentekoste. Intaanzi, mbungano yaba Efeso, nyenyeezi a mutumwa wa mbungano eyo tu syoma kuba Musalali Paulo. Wa sika, a mweelwe mutaanzi waka balwa. I bukkalo bwa mbungano bwabili, buli ngu Smurna, wakali Irenaeus, musalali mupati wa Leza oyo waka sololela bukkalo obo bwa mbungano ku mamanino. I bukkalo bwa mbungano yatatu, obo bwakali Pergamo, wakali Musalali Columba oyo wakali musalali mupati wa Leza. Kuciindi ca Bukkalo bwa Musinze, mu kupenzegwa, bukkalo bwane a kubala kwane, Musalali Martin wa Tours, musalali mulemu kazwa ku France. I bukkalo bwa mbungano yasanu, a mutumwa wayo wakali Martin Luther aa kkauntidauni. I bukkalo bwacisambomwe wakali John Wesley aa kkuntidauni.

<sup>109</sup> Lino tuli mu bukkalo bwaciloba, bukkalo bwa mbungano ya Laodikeya. Alimwi tu langila oyo mutumwa mupati wa kulibonya kwabili ikwa Eliya, aa kkauntidauni. Elyo eco mbo ciya kulibonya buyo, mpawo ngu nciindi ca ziro a Mbungano yatola lweendo lwayo kuyaku Muunzi, kuunka mu mwaakwe, mu Majulu, kuyabuya kwiindilila mweezi, nyenyeesi, zintuzyonse zimbi, a kuswaana Jesu.

<sup>110</sup> Cakazwida kuli eci a nkuuli nkoba baunka? Muli oyu Astronanti. Mbobuti bantu mbo bakanjila mu Astronati ku busena butaanzi? Eyo nje nzila mbo bayo kunjila muli njijo mu busena bonse, ciindi coonse. Mbo mbubo. Kweelede kuboola ku nzila njionya bataanzi mbo bakacita, nkaambo oyu mukondo mupati wa mubili mulemu wa bantu. Kuti mu ciindi ca Nowa, kwakali mulyango omwe biyo, nkabela mulyango oyo wakali mulyango ulikke wa kunjilila. Zintuzyonse zya kanjila, takukwe makani na ba kaunka ku cibuye citaanzi kunsi lya kululamikwa, cibuye cabili, na cibuye catatu, boonse baka njila ku mulyango omwe. Boonse bakasika mu nzila yomwe.

<sup>111</sup> Elyo ncintu nciconya mu buzuba buno bwa ba astronati. Twa kasika munzila njionya, kasika ku nzila njionya, ku Mulumbe nguonya, kuli Kristo nguonya, kwiinda ku Nguzu nzyoonya ezyo nzyo baka tambula aa Buzuba bwa Pentekoste. I nzila njionya! Cakali ciindi coonse Cimwi nciconya, nkaambo Calo Ncitendele nciconya. Elyo mbobuti mbo tunjila mu mubili oyu? Ku Mulyango. elyo Jesu ngo Mulyango ku Mubili oyu. Aboobo twa boola mukati a kuzyalwa mu Bwami bwa Leza, kwiinda ku Mulyango, Jesu Kristo. Elyo lino Mulyango ulaafwi kujalwa kubana Laodikeya, kkauntidauni yamanano, a Mbungano ilaafwi kutola mukondo wayo atala lya mapenzi mapati onse, zyonse zintu, a kuuluka mu nzila yayo mu majulu aa Majulu, kulemekwa Mbungano kuya ku camba ca Leza. Amen. [Kabeela katakwe cintu aa teepu—Mul.] Amen.

<sup>112</sup> Cifumo cindi lwa John... oyu Glenn nakauluka kumusanza okuya, bantubonse bakali ku masyu abo, kabalila a kukomba, kalibuzya obo mbwa kali kuyo konzya kuzwidilila. Elyo cintu citaanzi, mulilo waka talika kumwaika kuzwa ku maatomu mbuli ako kadandamiti kapati ni kakauluka okuya ku Cape Canaveral, kutanta mu luwo mbuli obo, a bantu kabakwiila a kulila akulibuzya eco cakali kuyo citika kuli baastronanti babo bakali kwiinka mujulu.

<sup>113</sup> Oh, pele Mbungano, bulemu, ili mukusabalanganya mulilo ayalo. Amen. I kkauntidauni ilaboola! Amen! “Kululamikwa, kusalazigwa, lubbizyo lwa Muuya Uusalala, bukkalo bwa mbungano ya Laodikeya,” tuli ku mamanino! Jesu Kristo mbobuca nguwenya, sunu, amuya myaaka! Ino ndipenzi nzi? “Teeni, naini, eiti, seveni, sikisi, faivi, foo, thrii, tuu... ziro!” Taba nolili, pele kuyooba kwiimba a koongolola a kulumbaizya

Leza, mbuli Mbungano yabweza astronanti wayo kuya mu milengalenga koyooba a Jesu Kristo. Ameni.

<sup>114</sup> Mu kuzwidilila kwakunyama, bala gwisigwa ku mweezi. Mu kuzwidilila kwa kumuuya nko tugusya kuya ku Julu. Ameni! Astronanti wakunyama usola ku mujanina busena ku mweezi. Twa kajana kale busena ku Julu bubambidwe kale. “Mu Ng’anda ya Taata Wangu kuli makkalilo manji. Njo unka nkamu bambile busena, akutuma Astronanti kujokela kuzo mubweza.” Kkauntidauni ilacitika! Sena mula cisyoma? Ameni. Kkauntidauni! “Teeni, naini, eiti, seveni, sikisi, faivi, foo, thrii, tuu, wani, ziro!” I mulilo watalika kumwaika, mulimo usamikidwe musyini mu Bulemu. Aleluya! Elyo rokketi yakaindi yatalika kumwaika, kutali kutondeka ku mweezi, pele ya katondeka ku Bulemu. Kutala ngooyo we, mulilo wa Leza kaumwaika. I nguzu zya Muuya Uusalala kazimunyamuna a kwiindilila mweezi, nyenyezi, kwiindilila cili conse cakasola kuzwidilizigwa ku muntu. I Mbungano iyo bweza kuuluka kwayo kuya ku camba ca Leza ku Julu, kumwi kwa kuseemi oku. Beenzuma, muntu ula konzya kuzwidilila eco nco bajisi ku zintu zyabo zyakunyama, alimwi Leza (Nda citondezya awa) cikozyanisa kuli cakumuuya.

<sup>115</sup> Atu njile mu Astronanti, cakufwambaana! I milyango iyo jalwa kwakaindi. I kkauntidauni ilacitika! Sayaansi yaamba kuti kkauntidauni yabo ili maminiti otatwe. Yesu ndiza ilambele kuli ceeco, kwa yanda “wani” kulibambilika kusika “ziro!” Atu njile. Sena mula syoma kuti kkauntidauni ilacitika? Atu kotamike mitwe yesu mpawo asyoonto buyo.

<sup>116</sup> Taata! “Teeni, naini, eiti, seveni, sikisi, faivi, foo, thrii, tuu...” Leza! “Masi ali mukumwaika. Israyeli ili mukusinsimuka, zitondezyo ezyo basinsimi nzyoba kaamba kumbele; mazuba aa Bamasi akkwana, a mafwabi kutalika; amubweede, O nomumwaikide, kuya mwanu.” Ino mbuzuba! I Mumuni waku mangolezya ulamweka. O Leza, twa lomba kuti sikutasyoma aumwi uyo bikka ambali mizeezo yakwe yoonse ya lwiyyo, yonse mizeezo yakwe eyo yiimpene ku Ijwi Lyako, alimwi eci cifumo tula njila muli eyi Astronanti yabulemu, nkaambo twa kazyalwa muli Njiyo, omuya kuba cibeela ca Astronanti.

<sup>117</sup> Nda komba, Taata Wakujulu, alimwi mu Mubili oyu mupati wa Kristo, kuti Uyo batapatzya basyomi sunu a Muuya Uusalala. Akube kuti ciziba cizulwe bantu cifumo cino, kulyaambilila zibi zyabo a kuzikkwa mu Zina lyi Jesu Kristo, akukkwela Astronanti yakale, Mwami, eyo yiindilila mweezi a nyenyezi, akuunka kwindilila tuyanza twabuzumini, tubungwe. Twa kacita kuba a kkauntidauni. Wa ka twaambila mbo ciya kuba, ntaamo, ezi zyotatwe zya ceeci. Mwa kaamba makkalo aa mbungano, obo mbo bayo unka, bukkalo bwa mbungano ntaanzi, bukkalo bwa mbungano yabili, bukkalo

bwa mbungano yatatu, yane, yasanu, asikisi. Oku kubala nkwa seveni. Alimwi kwamana seveni, obu bukkalo; tuli kale muli mbubo, bukkalo bwa mbungano yamamanino. Alimwi lino kkauntidauni ilacitika. I makkalo akabalwa, bukkalo bwa bana Lutherani, bukkalo bwa Wesley, bukkalo bwa Pentekoste. Elyo lino, Mwami, kubungana muli Astronanti, a magilazi mapati akomezya kumbele Lyayo, inga twa bona Bulemu, kubona Jesu, ku Mu bona mu nguzu Zyakwe zyoonse, ku Mu bona mu zisyomezyo Zyakwe zyoonse. Zintu zyoonse ezyo Nzya kasyomezya zili mukutondezya aali ndiswe. Twa Ku lumba kuli eci.

<sup>118</sup> Leza, akube kuti mbungano sunu cakufwambaana injile mu cilawo cabukwabilizi, nkambo calino kuboola ora lya ziro amulyango wa Astronanti mupati uyo jalwa, ndeke ya Astronanti. Elyo tuyu unka mbuli Nowa mbwa kacita cindi na kanjila mu astronati yakwe, mbuli mbo cakabede, wa kaibuka mukati atala lya maanzi onse aa lubeta. Elyo, Taata, tu yanda kunjila muli Nduwe kutegwa inga twa konzya kwiimpauka kwiinda mu bweende bwaciindi, kuyabuya kwindilila Marsi, Jupita, Venasi, atala lya Mukondo Utuba Buu, kuyabuya a kuyabuya a kuyabuya, oko astronanti wakunyama nkwa tazyi cintu. Pele tula bona kuti Ula mulekela kucita ceeco ku citondezyo, kutegwa tu kali bambile kuunka. Tuya buzwa aa nyika. Ko cipa, Mwami. Kwiinda mu Zina lya Jesu Kristo, Nda cilomba.

<sup>119</sup> Mpaawa kubikkidwe tutambala, Mwami, kubikkidwe awa, abo bantu baciswa batuma. Bala syoma, Mwami. Elyo akube kuti babe basikweenzya ndeke mu milenga cifumo cino. Akube kuti nguzu zya Leza Singuzuzyonse Oyo utondezya Bbaibble Lyakwe ali ceeci, kuti ba kagusya kuzwa ku mubili wa Musalali Paulo, tutambala a tusila, a balwazi a bapengede baka ponesegwa. Akube kuti oyo astronanti musyomi, cindi eco camuguma, kuuluka, Mwami. Malwazi kusule! Akube kuti muntu aumwi uuciswa awa ndyoonya lino, Mwami, konjila moonya muli Kristo Jesu, ku Ijwi Lyakwe, cisyomezyo Cakwe. Elyo kwaamba, “Amulombe Taata cili coonse mu Zina Lyangu, Ndiyo cicita.” Akube kuti batalike kubala, “Teeni, naini, eiti, seveni, sikisi, faivi, foo, thrii, tuu... ziro. Ko zumanana kuzwa, Mwami!” Akube kuti ba kanyamuka kuzwa ku tulo, zyeenzyo, kufumbwa mbo cikonzya kuba. Akube kuti babuke kuzwa bulwazi bwaangila asi, kuunka kulaale mu mwaakwe wanze oko sayaansi ya madokotela, kwiina wabo, uzyi cili conse, oko Nguzu zya Leza nko zyaka syomezya ku kubbutukizya kwa sayaansi ikwa Bbaibble awa, na kubbutukizya kwa kumuuya, mubwini, kwa Bbaibble; ku tondezya kuti Leza lyonse wakali Leza, ucili Leza, Uya kuba Leza lyoonse, alimwi Walo mupatikampatila, Ujisnguzu zyonse, Singuzuzyonse, Cilenge Cilikokonse cikonzya kubamba Ijwi Lyakwe. a kukonzya kucita

zintu zyoonse, a ku tusyomezya zintu zyoonse zilakonzeka kuli baabo bayo syoma. Leza, ko cipa.

<sup>120</sup> Akube kuti sikutuntulika mwaalumi na mwanakazi, mulombe na msimbi, cifumo cino, oyo uutako alya kuswiilila ku kkauntidauni ya Ijwi lya Leza, mukuziba kuti tuli nkoonya kunselelo, kacita kubala cintu camamanino. Uli libambilide koongolola “ziro” kufumbwa ciindi, a mbungano ya kuunka. Tula ubona Mulumbe kaugola. Tula kubona kupenzegwa kakubuka, mbuli mbo twa kakanana busiku bwainda. Tu lizyi kuti ciind cila fwaafwi. I kkauntidauni yamana. Wa katugwasya awa a cibumbili kuselemuna makkalo aambungano, akubweza zintuzyonse zimbi aku citondezya, kuti ndyoonya lino kanji kufumbwa cindi inga cacitika. Leza Singuzuzyoonse, Oyo wakalenga Majulu a nyika, tuma luse Lwako aa bantu a kubapa eco ncoba jisilidi ciyobwedwe. Nkambo twa cilomba mu Zina lya Jesu.

<sup>121</sup> Elyo onse mwaalumi a mwanakazi a mitwe yabo kiikoteme. Ikuti na kuli bamwi ano batazi Kristo mbuli Mufutuli wabo cifumo cino, a uyanda ku Mu ziba akunjila mu ciimo eci ca Astronanti ica luzyalo lwa Leza, kwinka mu Kukwempwa, walombwa utambike janza lyako a kwaamba, “Ndili libambilide, kuyanda kulibambilila ku Kukwempwa, Mukwesu Branham. Kondi kombela.” Lezaaku longezye. Lezaaku longezye, yebo. Lezaaku longezye, a yebo. Aanze, mukati, kufumbwa busena mbobede, tambika buyo janza lyako. Kuli ceeci, kwaamba, “Leza, kondi njizya.” Lezaaku longezye. “Ndi yanda kumvwa kkauntidauni. Ndi yanda kwiimvwa. Ndi yanda kuziba kuti Ndili kwabilidwe, cakuti cindi mulilo wazwa Ta ndiko kkala ansi awa mu mbizi a cikocikala. Nse kabi mu mbungano, nke tantide mu mootokala. Nse kabi muli imwi ikonzya buyo kunantula matende ayo kuzwa aansi lino, kweelela loko kusotoka akuba coongo cinji. Ndi yanda kuba mu cintucimwi eco ciyo nditolka kwiindilila mweezi a nyenyezei. Ndi yanda kuswiilila ku kkauntidauni; kutali kayanza akamwi kabuzumini, kabunga kamwi. Pele Ndi yanda kuba muli Kristo, awo mpo Ndi konzya kuuluka kwiindilila kufumbwa cintu cakubuzya buzya akati ka bantu. Ndi yanda kuunka.”

<sup>122</sup> Sa kuli umbi katutana ku komba? Sena kuli...? Lezaaku longezye, omulindu muniini. Lezaaku longezye, mwaalumi mukubusyi. Lezaaku longezye, a yebo kusule okuya. Nda bona janza lyako, alimwi Leza ncobeni ula libona. Elyo yebo, mukwesu wangu, yebo mukwesu. “Ndi yanda kuba mu kkauntidauni. Leza, kondi lekela kubikka ambali zicelezya zyonse.” Lezaaku longezye, mukwesu. “Ndi yanda kubikka ambali zibi zyoonse. Ndi jisi bukali bwa lunyemo Mukwesu Branham. Oh, Nse konzyi kunjila muli Ceeco mbuli boobo. Komba Leza kuti acigwisye kuli ndime. Ndi—Ndi, Mukwesu Branham, Ndila—Ndila nywa aniini. Nse yandi kucita ceeco.

Paila kuti Njo cibikka ambali. Ndila fweba. Nse yandi kucita ceeco. leza ulizyi kuti Nse yandi kucita ceeco. Cintu caka ndaangila ansi obo, Ndi—Ndi cicita buyo, Nse konzyi kutantamuka kuli nzizyo. Ndi lizi cili lubide, alimwi Ta ndeelede kucicita. Ta ndiko cita! Cintu cimbi, Nda kali kuzumbaunya Ijwi. Ndali kugambwa buyo ikuti na Lya kali luleme ncobeni. Kondi gwasya, Leza. Kondi lekela, kondi lekela kuyeeya buyo konse kwa Ncico kululama, alimwi Ndila Ci syoma. Ndi yanda kuswiilila ku kkauntidauni. Ndi yanda busena awo ziindi zyoonse Nda bona Ijwi lya Leza kalyaamba cintu cili coonse, Ndi yanda kucizumina a ‘ameni’ a kwaamba ‘Nduwe, Mwami.’” Lino boonse . . . Leza amu longezye. Leza amu longezye, umwi aumwi wanu.

<sup>123</sup> Sa kuli bamwi ano lino bacisidwe, a kwaamba, “Mukwesu Branham, cifumo cino Ndili Munakristo, pele Ndili . . . Nda kali . . . jisi Muuya Uusalala. Nda zwa mu ndeke eno, Ndili libambilide ku kkauntidauni. Nda kazwa mu misyobo yoonse ya tubungwe a zintu zyoonse zimbi, kuswiilila ku kkauntidauni. Pele lino Ndi yanda kwaamba cintu eci comwe, Mukwesu Branham, cifumo cino, Nda ciswa. Ndi cijisi mulimo wakucitila Mwami. Ndi swiilila ku kkauntidauni, pele Ndi yanda ku—Ndi yanda kuba kabotu. Nda cilyata cifumo cino, kuswiilila ku kkauntidauni.” Niinzi kkauntidauni? I Ijwi lya Leza. Lya balwa mane ansi. Ngu mbobuca nguwenya, sunu, amuya myaaka. “Ndi yanda ku Mu mvwa mbuli Sikuponya wangu cifumo cino. Ndi yanda kutambika janza lyangu a kwaamba, ‘Kondi kombela, Mukwesu Branham.’” Leza aku longezye. Konjila moonya mukati lino. Konjila moonya mukati. Cipaililo cili zwide, a kuzunguluka awa, kuli lundene ku cibuye. Tii twa konzya kubamba mundando wa mipailo. Ba liimvwi koonse ku bwaanda a zintu zyoonse. Tu jisi buyo cidyobedyobe. Ta tweelede kucita ceeco. Muli mu i—muli mu i . . . Muli ba astronati.

<sup>124</sup> Nduwe astronanti. Ula indilila kuli Luther. Luther tasyomi muli ncico pee. Wesley wakabikka maanza. Bana Pentekoste bananika mafuta. Nduwe astronanti, kwiindilila kubuzyabuzya kuli koonse. Nkaambo buyo kakuti Ijwi lya kaamba boobo, Ndiya buya. Ee, yebo wati, “Sa Luther taka syoma? Sa eelyo tii lyakali Ijwi?” Inzya, pele Wesley waka zumanana atala lyakwe. “Ee, Wesley wakali nanikidwe a mafuta na cintucimwi cimbi. Sena tamu syomi eco?” Iiyi, mbo mbubo. “I pentekoste yaka tanda madaimona.” Inzya. “Kabikka maanza, kajisi kuponya mu maanza azintuzyonse zimbi.” Inzya, Ndi lizi eco cili luleme, pele ko zumanana. Ko zumanana! Wesley ta cebukili kuli Luther, Pentekoste tai cebukili kuli Wesley. Aswebo ta tucebukili ku Pentekoste. Tuli baastronanti. Tula indilila kuli ceeco. Atu zumanane. Kristo wa kaamba boobo!

<sup>125</sup> Mbobuti mbo cicita? “Boola kobikka maanza ako aa mwana wangu musimbi nkabela uyo ponesegwa,” wakaamba mu Juda.

Jesu wakainka a kuyo mucitila, mbo mbubo. Pele cindi nicaka boola kumuna Roma, astronanti, wa kat, “Ta ndeeleli kuti Yebo uboole kunsi lya ciluli cangu. Koamba buyo Ijwi, Mwami.” Elyo Wa kacaamba kale. Nce ncico.

<sup>126</sup> Lino atu tambike myoyo yesu—yesu kuli Leza. Atu nyamune maanza esu kuli Leza, myoyo yesu kuli Leza. Nkambo kufumbwa cintu ncobulide, lufutuko, kusalazigwa, lubbizyo lwa Muuya Uusalala, kuponesegwa kwa Buleza, kufumbwa mbo cibede, amu jatilile maanza anu mujulu a kujatilila moyo wanu moonya mu Busyu bwa Leza, a kumvwisywa kuti uli kkede mu masena Aakujuju muli Kristo Jesu, alimwi uli astronati wa Lusyomo olo. Inzi? Mpaawa kwasika kubala! “Teeni, naini, eiti, seveni, sikisi, faivi, foo, thrii, tuu...” O Jesu, boola lino! Tu bikka nguzu zya Zina Lyakwe. Elyo mbuli mbo twa kabona busiku bwainda, Paulo wakauma muntu kofwaala, kulekela umwi umbi ku muzuzila. Elyo tula bona kuti Jesu wakali kukonzya kucita kufumbwa cintu Nca—Nca kacita, misyobo yoonse ya maleele, elyo nekubaboobo bakali nkoonya ku mamanino aa lweendo Lwakwe, mukubona kuti Wa kaumwa a kuswida mate, a zintu zyoonse zimbi. I bantu taba cimvwisyi. Bala mvwisywa kuti Leza ula cicita kusimpikizya kuti cili luleme, alimwi mpawo kusoleka lusyomo lwa bantu.

<sup>127</sup> Mwami, twa kaima awa a kubona boofu bumaninide kutambula kukubona kwabo, malwazi; makkulenge akali zimvule zya bantu, akaponesegwa. Twa kabona abo bakafwa a kulala kwa maoora, a kujokela ku buumi alubo. Tu lizi kuti ngu—ngu Kristo wesu mupati kuli oyo tul baastronati mu mubili Wakwe. Elyo lino kkauntidauni ilacitika, alimwi tuyu kusyoma cifumo cino ku kuponesegwa kwesu, ku lufutuko lwesu, a ku zintuzyonse nzo tu bulide. Nkaambo cindi twa cilomba mu Zina lya Jesu Kristo, Wa kasyomezya, “Amulombe Taata Wangu kufumbwa cintu mu Zina Lyangu, Ndiyo cicita.” Alimwi koonse nko tubulide lino nkwiita Zina Lyakwe, alimwi ceelede kucitwa. Tu swiilila ku kkauntidauni.

<sup>128</sup> Mwami, bamwi babo bakali basizibi, batambika maanza abo. Ba lindila kkauntidauni, cindi kwa kuboola kucinca mu moyo wabo, eco ciyo gwisywa bubi boonse bwa kaindi. Kuli banji bafweba misanga yatombwe, bali libambilide kwiisowela ansi. banji baka cita zintu zya takeelede kucitwa, alimwi bali libambilide ku zisowela ansi, nkaambo twa lomba Leza Singuzuzyonse mu Zina lya Jesu Kristo ku gwisywa zintu zyoonse ezyo zinga zyasinkila Mbungano cifumo cino, kuzwa ku malwazi kuya ku cibi, a kulekela mbungano eyi kuti ianguluke. Mu Zina lya Jesu Kristo, akube kuti nguzu a Nguzu zya Makanimabotu mapati, Mulilo wa Muuya Uusalala utalike kumwaika, alimwi baastronanti bapati iba Leza bayo ulukila kuyanda kwa moyo wabo asunu. Ko cipa, Leza Singuzuzyonse. Mbi Bako. Elyo akube kuti batambule kuponesegwa kwabo, lufutuko lwabo, a

kufumbwa nzoba bulide. Nda bapa kuli Nduwe, a kuba tuula kuli Nduwe a mupailo wangu, aa cipaililo awo Bulowa bwa Jesu Kristo mpo bukkede cabupya cifumo cino. Mu Zina lya Jesu Kristo akube kuti batambule eco ncoba kalomba.

Elyo bantu bakati, “Ameni.” [Mbunga yaamba, “Ameni.”—Mul.]

<sup>129</sup> Aboobo, amu Ci syome! Acibe booboo! Nda Ci syoma. Nda syoma. Ameni. Ndi lizi kuti Ngu Leza. Ndi lizi kuti tuli libambilide ku kuzwidilila kupati kwa Leza. Ino kuzwidilila Kwakwe ninzi? Kusiya nyika. I sikweenzya ndeke mu milenga uunka ku mweezi, nyika imbi. Elyo Mbungano ya Leza (kuzwa ku ndeke, kuzwa ku simbizi a zimwi zimbi) ilazwa mbuli astronanti, ku inyika imbi, ili ndi Julu. I kkauntidauni, ila citika. Ameni.

Mula Mu yanda? [Mbunga yaamba, “Ameni.”—Mul.] Mpawo atu tambike maanza esu a kwiimba.

Nda Mu yanda, Nda Mu yanda  
Nkaambo Wa kasaanguna . . .

Yaa, Mukwesu Neville.

Alumbwe Mwami! Elyo Leza amu longezye kusikila sunumasiku cindi Nda mubona. 

**62-0909M Kkauntidauni  
Branham Tabernacle  
Jeffersonville, Indiana U.S.A.**

CHITONGA

©2022 VGR, ALL RIGHTS RESERVED

**VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)**

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubalesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobelwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)